

四庫全書

經部

欽定四庫全書

經部

易纂言卷一

詳校官內閣學士臣瑞保

通政使司副使臣莫瞻菴覆勘

總校官檢討臣何思鈞

校對官中書臣吳紹昱

謄錄監生臣張選唐

欽定四庫全書

經部一

易纂言

易類

提要

臣等謹案易纂言十二卷元吳澄撰字幼清號草廬崇仁人宋咸淳末舉進士不第入元以薦擢翰林應奉文字官至翰林學士卒諡文正事迹具元史本傳是書用呂祖謙古易本經文每卦先列卦變主爻每爻先列變爻

次列象占十翼亦各分章數其訓解各附句
下音釋考證則經附每卦之末傳附每章之
末間有文義相因即附辨于句下者偶一二
見非通例也澄于諸經好臆為點竄惟此書
所改則有根據者為多如師卦丈人吉改大
人吉據崔憬所引子夏傳本此卦比之匪人
下增凶字據王肅本小畜卦興說輻改興說
輟據許慎說文尚德載改尚得載據京房虞

翻子夏本泰卦包荒改包荒據說文及虞翻
本大畜卦曰閑與衛改曰閑與衛從鄭元虞
翻陸希聲本萃卦萃亨刪亨字從馬融鄭元
虞翻陸績本困卦剝剛改輓輓據荀爽王肅
陸績本鼎卦其形渥改其刑剝據鄭元本比
彖比吉也刪也字據王昭素本賁彖補剛柔
交錯四字據王弼注震彖驚遠而慎通也下
補不喪匕鬯四字據王昭素所引徐氏本漸

豕女歸吉也改女歸吉利貞據王肅本坤象

履霜堅冰改初六履霜據魏志坎象樽酒簋

貳刪貳字據陸德明釋文

案澄注明言舊本有貳字陸氏釋文

無之今世所行張弧陸希聲本皆同是傳文已刪去貳字徐氏通志堂本乃刪補刊板增入貳字是顛倒等校正之時以不誤為誤也謹附識于此繫辭上傳繫辭

馬而明吉凶下補悔吝二字據虞翻本繫辭

下傳何以守位曰仁改何以守位曰人據王

肅本耒耨之利改耒耨之地據王昭素本以

濟不通下刪致遠以利天下六字據陸德明
釋文序卦傳故受之以履下補履者禮也四
字據韓康伯本皆據引古義具有源流不比
師心變亂其餘亦多依傍胡瑗程子朱子諸
說澄所自改正者不過數條而已惟以繫辭
傳中說上下經十六卦十八爻之文定為錯
簡移置于文言傳中則悍然臆斷不可以為
訓矣然其解釋經義詞簡理明融貫舊聞亦

頗賅洽在元人說易諸家固終為巨擘焉乾
隆四十六年九月恭校上

總纂官

臣

紀昀

臣

陸錫熊

臣

孫士毅

臣

費

總校官

臣

陸

費

墀

費

墀

費

墀

欽定四庫全書

易纂言卷首

元 吳澄 撰

易

易者陰陽相變易也上古包羲氏見天地萬物之性情形體一陽一陰而已於是作一奇畫以象陽作一耦畫以象陰見一陽一陰之互相易也故自一奇一耦相易而為四象八卦極於六十四卦是為卦畫之象又作標著之法數尺以卦而占吉凶自一變而極於十有八變是為著數之變卦象著變皆以陰陽相易故名之曰易其時未有易字也後之造字者合日月二文而為易字日陽精昱乎晝月陰精昱乎夜日

往則月來月往則日來陰陽相易而成晝夜故易從日從月字書又謂易字象蜥蜴之形而假借為變易之易蓋不然也禮記曰昔者聖人達陰陽天地之情立以為易


羲皇畫卦之時先作此一畫一者為奇陽之象也一者為耦陰之象也陽渾合無間故一陰受衝即開故二後人名之為兩儀繫辭傳曰易有太極是生兩儀邵子謂一分為二朱子謂一奇一耦為一畫者二是其畫一其位二其奇耦之數三



奇耦一畫之上再加一奇一耦以象陰陽之有老少
奇上加奇者陽之純故象老陽奇上加耦者陰雜於
陽中故象少陰耦上加奇者陽雜於陰中故象少陽
耦上加耦者陰之純故象老陰後人名之為四象繫
辭傳曰兩儀生四象邵子謂二分為四朱子謂兩儀
各生奇耦為二畫者四是也其畫二其位四其積畫八
其奇耦之數十二蓋一畫加
一為二其位則倍二為四也



二畫之上又各加一奇一耦奇奇之上加一奇象天
 而名乾奇奇之上加一耦象澤而名兌奇耦之上加
 一奇象日象火而名離奇耦之上加一耦象雷而名
 震耦奇之上加一奇象風而名巽耦奇之上加一耦
 象月象水而名坎耦耦之上加一奇象山而名艮耦
 耦之上加一耦象地而名坤乾一兌二離三震四巽
 五坎六艮七坤八總名之曰八卦然當時未有乾兌
 離震巽坎艮坤八字及卦字也即此各卦三畫之象
 而名為乾名為兌名為離名為震名為巽名為坎名為
 艮名為坤也天地山澤日月水火雷風亦有其名
 而未有其字繫辭傳曰四象生八卦八卦成列象在
 其中矣邵子謂四分為八朱子謂四象各生奇耦為
 三畫者八是也其畫三其位八其積畫二十四其奇
 耦之數三十六蓋二畫加一為三其位則倍四為八
 也



畫至三而卦有八為卦之小成三才之象具矣故定
為此圖直豎則乾上坤下離左坎右震左後兌左前
巽右前艮右後平布則乾南坤北離東坎西震東北
兌東南巽西南艮西北繫辭傳曰天尊地卑乾坤定
矣說卦傳曰天地定位山澤通氣雷風相薄水火不
相射謂此圖也邵子曰太極既分兩儀立矣陽下交
於陰陰上交於陽四象生矣陽交於陰陰交於陽而
生天之四象剛交於柔柔交於剛而生地之四象於
是八卦成矣乾以分之坤以翕之震以長之巽以消
之長則分分則消消則翕也乾坤定位也震巽一交
也兌離坎艮再交也震陽少而陰尚多也巽陰少而
陽尚多也兌離陽浸多也坎艮陰浸多也乾坤之名
位不可易也坎離名可易而位不可易也震巽位可
易而名不可易也兌艮名與位皆可易也離在天而
當夜故陽中有陰也坎在地而當晝故陰中有陽也
震始交陰而陽生巽始消陽而陰生兌陽長也艮陰

長也震兌在天之陰也巽艮在地之陽也故震兌上
陰而下陽巽艮上陽而下陰天以始生言之故陰上
而陽下交泰之義也地以既成言之故陽上而陰下
尊卑之位也順數之乾一兌二離三震四巽五坎六
艮七坤八逆數之震一離兌二乾三巽四坎艮五坤
六也乾坤定上下之位離坎列左右之門天地之所
闔闢日月之所出入是以春夏秋冬晦朔弦望晝夜
長短行度盈縮莫不由乎此矣乾坤縱而六子衡易
之本也

欽定四庫全書

卷首



1. Qian (Heaven)

2. Kun (Earth)

3.



三畫之上又各加一奇一耦卽子謂八分爲十六朱
子謂八卦各生奇耦爲四畫者十六兩儀之上加八
卦八卦之上加兩儀是也其畫四其位十六其積畫
六十四其奇耦之數九十六蓋三畫加一爲四而其
位則倍八爲十六也

欽定四庫全書

卷首









四書之上又各加一奇一耦邵子謂上六分為三十一
二朱子謂四畫各生奇耦為五畫者三十二四象之
上加八卦八卦之上加四象是也其畫五其位三十
二其積畫一百六十其奇耦之數二百四十蓋四畫
加一為五其位則倍
上六為三十二也



欽定四庫全書

卷首





易經

卷一

卦

易經

上









易經



易經


十



五畫之上又各加一奇一耦邵子謂三十二分為六十四朱子謂五畫各生奇耦為六畫者六十四蔡氏謂八卦重為六十四卦一卦之上各有八卦是也其畫六其位六十四其積畫三百八十四其奇耦之數五百七十六蓋五畫加一為六其位則倍三十二為六十四也邵子曰一變而二二變而四三變而八卦成矣四變而十有六五變而三十有二六變而六十四卦備矣

欽定四庫全書

卷首



畫至六而卦有六十四為卦之大成兼三才而兩之
萬物萬事悉備矣故又為此圖以圓函方圓者象天
周地外方者象地在天中說卦傳曰八卦相錯數往
者順知來者逆謂此圖也邵子曰八卦相交錯而成
六十四卦數往者若順天而行是左旋也皆已生之
卦也知來者若逆天而行是右行也皆未生之卦也
无極之前陰含陽也有象之後陽分陰也陰為陽之
母陽為陰之父故母孕長男而為復父生長女而為
姤是以陽起於復陰起於姤也夫易根于乾坤而生
于姤復蓋剛交柔而為復柔交剛而為姤自姤而无
窮矣復至乾凡百有十二陽姤至坤凡八十陽姤至
坤凡百有十二陰復至乾凡八十陰陽在陰中陽逆
行陰在陽中陰逆行陽在陽中陰在陰中則皆順行
既真至理案圖可見之矣邵氏曰此圖圓布者乾盡
午中坤盡子中離盡卯中坎盡酉中陽生于子中極
于午中陰生于午中極于子中其陽在南其陰在北

方布者乾始于西北坤盡于東南其陽在北其陰在南二者陰陽對待之數圓於外者為陽方於中者為陰圓者動而為天方者靜而為地也

右羲皇之易昔在羲皇始畫八卦因而重之為六十四當是時易有圖而无書也後聖因之作連山作歸藏作周易雖一本諸羲皇之圖而其取用蓋各不同焉三易既亡其二而周易獨存世儒誦習知有周易而已羲皇卦圖鮮或傳授而淪落於方伎家雖其說具見於夫子之繫辭

說卦而讀者莫之察也至宋邵子始得而發揮
之於是人乃知有羲皇之易而學易者不斷自
文王周公始也今於易之一經首揭此圖冠于
經端以為羲皇之易而後以三易繼之蓋欲使
夫學者知易之本源不至尋流逐末而昧其所

自云爾

以上凡八圖其八卦定位六十四卦方
圖凡二圖邵子得之於李之才擬之李

得之穆修伯長穆得之希夷先生陳搏閩南蓋
羲皇八卦重卦既成之後作此二圖也儒者不
傳而方伎家傳之以為修養火候之節其一畫
二畫三畫四畫五畫六畫凡六圖則朱子推而

得之載於易學啓蒙雖失其傳授所自然考夫
子繫辭傳所言及邵子觀物外篇所推則古有
此圖也必矣蓋羲皇未作八卦定位重卦方圓
二圖之時先有此圖也故今定此以為羲皇之
云 易

易

連山



艮下
艮上

此連山易之首卦也以下六十三卦先後之次不可知

右夏之易周官太卜掌三易一曰連山二曰歸藏三曰周易其經卦皆八其別皆六十有四或曰神農作連山夏因之以其首艮故曰連山今亡

欽定四庫全書

卷首

歸藏



坤下



坤上

此歸藏易之首卦也以下六十三卦先後之次不可知

右商之易子曰我欲觀殷道是故之宋而不足

徵也吾得坤乾焉說者以坤乾為歸藏或曰黃

帝作歸藏商因之以其首坤故曰歸藏今亡

案夏

商二易蓋因羲皇所畫之卦而用之以占筮卦序與先天自然之序不同故連山首艮歸藏首坤朱子易贊曰降帝而王傳夏歷商有占无文民用弗彰以為二易无繇辭也或曰春秋左氏

傳所載錄辭與周易不同者蓋夏商之易則以
為有錄辭矣然今莫可考證世俗所傳歸藏易
偽書也

易纂言卷首

欽定四庫全書

易纂言卷一

元 吳澄 撰

易

周易

周者岐山下之地名太王亶父自豳徙居其地至曾孫武王伐商為天子遂以周為有天下之

號易始於羲皇周之文王在羑里時演羲皇八卦之名為六十四且作彖辭周公相成王制禮作樂時又作文辭以重卦之名爻彖爻之辭乃文王周公所作故名之曰周易以別於夏商之易云

上經第一

文王以六十四卦分為上下二篇此篇首乾坤竟坎離對體之卦六反體

之卦十二反體一卦為二
卦總計三十卦謂之上經



乾下 一之一上之一經八
乾上 純父六陽辟主上九

乾

此義皇乾下乾上之卦而文王亦名之曰乾乾天也
朱子曰乾者健也陽之性也陽之數奇三畫皆奇之

卦名乾而象天三畫之乾重為六畫上下
皆乾則陽之純健之至也故乾之名不易元亨占也元

人上為元在一身之上為眾體之長凡有大德為眾

善之長曰元或居大位在人上官之正長家之宗嫡皆

可曰元亨字與獻享之享同備物以獻謂之享亨者極

盛之時百嘉聚會有如享禮眾養之物具備也萬物資

始於乾是為天德之首乾有此元德故能致萬物利貞

長茂蕃殖之亨也占者有長人之大德者必亨利貞

占也利者宜於事如刀之刈禾順而便也貞者主其

事如木之植餘正而固也占者宜於正主其事也

初九

初之畫得九為乾之始

潛龍

象也藏伏而不可見曰潛龍陽物震為龍者一陽在坤體之下

如龍之在地下也陽畫雖不具震體皆可象龍六畫之卦初二為地二地之上初地之下也陽畫在初猶龍之潛伏於地下

勿用

占也用謂用之以作事也筮得此爻者凡事皆不可作為故曰勿用

九二

九居第二畫為乾之同人

見龍在田

象也出而可見曰見田上也二地上之位九居二

猶龍之出見利見大人

占也見謂身親見之凡卦畫陽為大陰為小以三畫卦言二為

人位九居二為大人而占者利於見大德之人也

九三

九居第三畫為乾之履

君子終日乾乾夕惕若

象也君者臣之所事也子

者貴稱也天子之大夫稱子諸侯未踰年亦稱子諸侯有臣天子之大夫亦有臣自其臣尊稱之曰君本稱曰

子而又尊之故曰君子而凡有位者皆通稱之又借以
為有德者之稱也三為六畫卦之人位陽剛得正人之
有賢德者君子也三變為柔二三四成雖離為日三為
人間二為地上日照人間將至于地日將終之時也故
曰終日乾乾謂下乾之終接上乾之始也日既終則
為夕矣惕戒慎恐懼之意乾剛實心有主故能敬惕厲
占也厲危也在下之无咎占也无咎者善其能補過處
上如登高臨深故危无咎危地本當有咎以其終日乾
乾進修不息至夕猶惕然戒懼故无咎也

九四

為九居第四畫

或躍在淵

象也或者非必之辭淵者地之下龍所潛處謂初也

四之位人在人之上天之下與初之位相應言龍潛在淵
或其時可以飛而上天則躍而出也既躍則不復在淵
而猶言在淵者謂在淵中度其可躍而後躍也見龍在
田者謂已見而在於田飛龍在天者謂已飛而在於天

皆言其已然故為已定之決辭而稱龍或躍在淵者謂將躍而猶在於淵蓋言其將然故為未定之疑辭而稱或淵乃四所應之位也

无咎

占也能審度其時之可故无咎

九五

九居第五畫為乾之大有

飛龍在天

象也六畫之卦五上為天

利見大人

占也

與九二同五為上卦之人位

上九

上之畫得九為乾之夬

亢龍

象也亢人之喉骨剛而在上者也故剛而居高曰亢

有悔

占也悔謂事闕敗而追恨也

用九

六畫俱得九為乾之坤

見羣龍无首

象也羣龍六畫皆陽也乾為首以人身而喻卦

之上畫為首首剛而在上六陽皆變乾體不存則无有剛而在上者矣故曰无首見羣龍无首猶睽上九言見

豕負

吉

占也六畫皆陽剛之過也變為柔則不偏於剛矣所謂剛健中正純粹精也故吉

經彖辭凡五字爻辭凡六十二字乾乾燥之乾假借渠馬切亨與獻享之享同古讀為香今許

庚切見龍賢遍切剝見見羣龍如字亢苦浪切註長知兩切出見曰見已見賢遍切潛處昌據

切不復扶豆切度侍洛切



坤下



八之八上之二經八純母六陰辟主上六

坤

此義皇坤下坤上之卦而文王亦名之曰坤坤地也朱子曰坤者順也陰之性也陰之數耦三畫皆耦之

卦名坤而象地六畫之卦上下皆坤元亨占也坤之德則陰之純順之至也故坤之名不易元亨可以配乾故

亦名元而可利牝馬之貞

占也牝馬占中之象也放牧之地馬羣中之牝者順以從

陽而專於一此占謂宜專一順從於陽以正主事也

君子有攸往先迷後得主

占

君子有所往者其先迷失道路其後乃得所主陰不可先倡但可後隨陽明陰暗六畫純陰暗昧之象故迷凡卦各有一爻為主爻之辭言主者皆謂主爻也坤之上六為主爻主在卦終故後乃得主

利西南

得朋東北喪朋

占也凡卦之位四為西三為南初為東上為北朋同類也占者利於行西南方

則得其朋類若行東北方則失其朋類也蓋六四六三二陰相比近故為得朋初六上六二陰相隔遠故為喪朋

安貞吉

占也安謂靜也安靜者坤道故正主事則吉也

初六

初之畫得六為坤之復

履霜

象也卦之下畫為地人所履也霜者露所結露者坤土之氣所

化

堅冰至

象也自五月一陰生九月而五陰陰消陽將盡則露為霜矣其時猶有一陽未為純坤也

馴至十月則六陰為坤而水凍為冰至十一月以後而冰益堅夫履霜在坤體未成之前堅冰在坤體既成之後然初履霜而已知堅冰之必至蓋陰盛必至於極而陽消必至於盡也有國家者能知此戒則其於折姦萌塞禍原宜早圖之豈可坐待其盛哉有象无占占在象中

六二

六居第二畫為坤之師

直方

象也以卦體則坤之中以卦位則地之上故以地取象六居中

而變為剛象地之中天氣自下而上故曰直初二兩耦畫象地之方故曰方

大不習

象也以直計之

地之厚上下相去三萬里以方計之地之廣輪東西相去南北相去亦各三萬里直之厚方之廣有形之物其大無可與比故曰不習習重无不利占也筮得此爻也言不再有此大者也於事无所不利

六三

六居第三畫為坤之謙

含章

象也含如口之含陰陽相間雜而成文曰章發生萬物繁然有

章者陽之為也然非陰成之則不可坤陰含藏陽氣於內陽內陰外有衣錦尚絅聞然日章之美三變為陽有章在內四舍之於外而不見其美也可貞謂利於義則可正主其事也謂可

或從王事无成有終

占也謂儻或從王事雖无成完而可以有終盖有人倡之已无全功

故曰无成人倡之於先已畢之於後故曰有終

六四

為居第四畫

括囊

象也括謂結之也坤體虛而容物囊之象也四變為奇塞壓其

上猶括結囊之上口人之謹閉其口而不言亦猶是也

无咎

占

无譽

占也不言雖可免過咎而

亦无稱譽也四變為剛而應初如否之初四上下不交故其象占如此

六五

為居第五畫

黃裳

象也五位在中其色為黃坤畫耦象裳之兩開不屬初為足二

為脛三為股而四則身也當裳之要坤為布帛六五以黃色之布帛為裳掩蔽下四畫猶裳之掩蔽人下體也

元吉

占也德位之元者得此占則吉

上六

上之畫得六為坤之剝

龍戰于野其血玄黃

象也陰變為陽象龍地與天連

接處為野上之位天也坤之畫地也上位之天與坤畫之地相接故象野坤之六陰皆民也上六化陽象龍臨于五民之上則民而為君矣坤為民乃其素分順也民而為君則不順而逆矣上六一民為逆五民之順其肯從之乎故下之五陰與之戰于野戰則上六敗而遭傷故其血玄黃氣陽也血陰也陰傷故言血玄者暫變為黃之色黃者本質為陰之色雖變為陽而質則陰故其血雖玄而猶黃也順者理直故下之五陰戰而勝逆者理不直故上之一陰敗而傷或曰血者陰之傷也何以知其非下五陰之傷而必其為上一陰之傷乎曰下五

陰傷則其卑黃而已无玄也且玄且黃二色混雜以是知其為上六一陰之血也蓋上六陰質化陽君而非君民而非民有如王莽黃巢之死項氏曰玄黃說者謂陰陽俱傷爻辭惡陰之盛故陳其禍敗以為成血指陰而言无與陽事證案舊說以為陽與上六戰故項氏云然今觀卦内无陽何以得陽與上六戰乎

用六

六畫俱得六為坤之乾

利永貞

占也坤之六陰皆變為陽其占利於永久正主事陰柔非

能永又者變為陽故能永久也

經彖辭凡三十字爻辭凡六十字坤因昆切北頻忍切喪息浪切註比近皮二切夫履音扶占見贊遍切後不見同與比補履切間居限切衣因既切絅科茗切間因感切屬之欲切要亦遙切接處昌據切分符問切

懸為路切无與因據切



震下坎上



四之六上之三
純艮變主九五

屯

此義皇震下坎上之卦而文王名之曰屯屯之字象草上穿地而下猶未伸物始生艱難未暢達之時

也內卦乾始交坤成震而外卦乾之一陽陷於二陰有所艱阻人行動於內而外阻艱難故為屯元亨

占也元利貞占也屯之時未易亨也其占為大謂九五利貞德之人能致亨則利於正主事勿用有

攸往

占也此占於坎取義卦變艮三往五陽陷於二陰之中故勿宜用之有所往

利建侯

占也

此占於震取義卦變艮上來初一君居內為二民之主諸侯之象也故利於筮立君

初九

初之畫得九為屯之比

磐桓

象也磐石也桓杙也四坎之下畫為石互艮之中畫為木四下應

初初地之下也象磐石之根著於地桓杙之埋豎於地也震為足初剛變為柔則足弱不能動猶磐石桓杙之

在地而不
可動也

利居貞

占也居者靜處也既未可動但利
於居而貞春秋傳云弼足者居利

建侯

占也與彖辭同上言居貞若建而為侯則不可居
矣春秋傳云侯主社稷臨祭祀奉民人事鬼神從

會朝又焉得居然則初之磐桓非終不動者也
磐桓居貞以剛變為柔取義建侯以不變取義

六二

六居第二畫
為屯之節

屯如遭屯

象也如語助遭遲回不進
也二有正應然通近初剛

欲進不能
故屯遭

乘馬班如

象也乘馬四馬也班分也猶班師
之班卦四陰四馬之象下二陰震

馬也上二陰坎馬也四陰為五所間隔四馬分散
之象一車有二服二駟則行四馬分散則不行矣

匪寇

婚媾

象也坎為寇象五為二之
正應非寇也乃婚媾也

女子貞不字十年乃字

占也二以柔居柔女子也字許嫁也禮記曰女子許嫁
笄而字二為初剛所逼而不得住從五猶女子為強暴

所凌而未得成婚也其占為女子所正主之事婚議不成二三四五坤坤數十過坤十數則逢五正應而許嫁矣

六三

六居第三畫為也之既濟

即鹿无虞惟入于林中

象也即就也鹿虞翻王肅

作麓山足也三互艮下畫山之足也虞掌山澤之官四當三之前在艮山之間虞人之象然應初比五與三不相得不為三之嚮導故三即鹿而无虞人也平地有竹木曰林互坤為平地互艮木也震竹也震坤艮之交故象林坤之中畫故曰中就山麓而獵者必資嚮導若无虞人嚮導則惟有陷入林中而已君子幾不如舍往吝

占也幾鄭作機弩牙也逸書云若虞機張楚辭云增弋機而在上凡設械以取禽獸皆曰

機不但機弩而已舍釋也占謂君子機而取禽獸不若舍置而不為若往則未必獲禽徒取羞吝也

六四

六居第四畫為屯之隨

乘馬班如

象也與六二同

求婚媾往吉

占也四雖

乘弱不行然初為正應上進就已故占者若求婚媾而往則吉也凡言往者皆謂自內適外

无不利

占也筮得此爻者占求婚固吉占他事亦无不利蓋四雖才弱然居得其正又有剛正之應求已故也

九五

九居第五畫為屯之復

屯其膏

象也坎為豕為雨為雲考工記天下之大獸五膏者脂者

膏謂犬豕五在坎體之中豕之膏也時雨謂之膏雨言其潤澤如膏也凡坎在上體者象水之氣升而為雲也需是也坎在下體者象水之波降而為雨解是也屯卦坎在上為雲而不為雨天之膏澤艱屯而不下之象

小貞吉

占也

大貞凶

占也凡易經言小者皆謂陰言大者皆謂陽此爻之辭小指六二大指九

五也之二五中正相應非不善也方時之屯未克有濟六二在下雖有乘剛之難然守正俟時終必復常是小

者之貞可以吉也九五之尊命令不行威權去已不能度時審勢而有所作為必招禍敗此大者之貞所以凶也筮得此爻者若所遇之時與象相類在下卑小之人主事可吉在上尊大之人主事則凶也或所遇之時與象不同則隨其時隨其事隨其人而審處之以合占之意

上六

上之畫得六為屯之益

乘馬班如

象也與二四同項氏曰凡稱馬者皆陰爻惟大畜九

三特舉乾本象稱良馬他馬皆陰也屯稱馬者卦中四陰也四馬之中獨六三居剛故无虞而徑進二四上居柔皆班而不行屯之泣血漣如象也泣者无聲而出涕時柔者不能行也泣血漣如象也泣者无聲而出涕泣貌凡身之液皆水也項氏曰坎為水故有泣血之象陰柔難輔勢孤无應无可延之策矣

六畫俱九六為屯之鼎

經彖辭凡十三字又辭凡八十七字也張倫切
磐俗本作盤遺張連切飛繩證切舍音捨註險
難乃旦切未易以致切著直略切傳直戀切朝
音潮馬伊虔切間居隈切比皮二切解音蟹度
待洛切



坎下
艮上

○六之七上之三辭
八純震變主九二

蒙

此義皇坎下艮上之卦而文王名之曰蒙蒙者昏昧
无所見如巾之掩覆草之遮蔽然艮山之下有坎險

險在內而止
於外故為蒙亨

占也蒙而開啓之則不
蒙矣占者所以可亨也

匪我求童蒙童

蒙求我初筮告再三瀆瀆則不告

占也古者占筮不過
三不一不吉則可再再

不吉則可三三不吉則止不復筮故文王特於蒙比二
卦彖辭發三筮再筮之例匪我求童蒙童蒙求我者所

筮之事也我謂教師指九二言九二卦主故稱我童蒙
謂學子指六五言六五艮少男故稱童蒙禮有來學无
往教凡筮人來從師問道初筮若得此卦則可告之告
謂許其來學而教之也或初筮不吉再筮而得此卦或
再筮不吉三筮而得此卦雖非不吉之占然因至再至
三瀆神而後得與初筮即得此卦者不同所以不告之
也
利貞 占也承上文凡再筮三筮而得此卦者利於正主事也

初六

初之畫得六為蒙之損

發蒙

象也卦之四陰蒙者也二陽治蒙者也卦之四陰蒙者也二陽治

近九二之陽得陽之開發如徹去其覆口然

利用刑人

有震二三四互震九

二震之下畫為用刑之主初六得九二開發柔變而剛
能助九五施教刑四居相應之位獨遠於陽初變為陽
而應四治四之蒙四為受刑之人初為承稟於二以施
刑於四故其占為利於用以刑人也刑如周官所謂鄉

刑上德糾孝圖土聚教罷民以明刑恥之刑人不虧體
罰人不虧財者蓋以教愚蒙之民使之知恥知畏而改
過遷善非五
刑之刑也
用說桎梏以往吝
占也上為施刑之人占

此為受刑之人占以初柔未變而言也桎足械梏首械
互震為足初足械也而在震足之下足械已脫於脛之
象坎為耳四首械也而在坎耳之外首械已脫於項之
象初畫四畫耦而不連如械木之判而不合故象桎梏
之已說者案周官大司寇平罷民桎梏而坐諸嘉石或
旬有三日或九日或七日或五日或三日以此恥之使
知改悔既說桎梏之後當羞愧懲
父而不出若遷有所往則吝矣

九二
為蒙之剝
包蒙
象也包如包裏之包容物於內
也陽畫連與有包之象二剛而

得中能包
巢羣蒙者
吉
占
納婦吉
占也二五正應如夫婦二居內
五在外猶婦在父母家將納之

歸夫家婦人內夫家也上之吉汎言之凡事
皆吉也此之吉指定言之占納婦則吉也
子克家明

納婦吉之義克家者能勝治家之任也以剛中之子納
柔中之婦得其內助則克家矣項氏曰二為子上其嚴

與君

六三

六居第三畫為蒙之蠱

勿用取女

占也陰柔不正故其

見金

夫不有躬

申明勿用取女之義見謂近接於目金夫謂九二六三有正應在上乃近見九二剛強富

實之夫而不能保有其躬以爻位言之四為躬六四柔而正比應皆无陽女之獨處无夫可從能保有其躬者

六三不正舍其夫而貳於所見之金夫不
能如六四之保有其躬也故曰不有躬
无攸利占也

不正不擇所從以
占他事亦无所利

六四

六居第四畫為蒙之未濟

困蒙

象也困者四面皆窮无路可通也陰之愚蒙必資陽之啓發蒙

卦四陰唯六四不與九二上九之陽為比應僻遠愚民无君師以治之教之者也故為困窮之蒙

吝

占

蒙而獨无啓發之者所以吝也

六五

六居第五畫為蒙之渙

童蒙

象也五艮體為童柔中而應於剛中之二如童稚之蒙有所受

教

吉

占

上九

上之畫得九為蒙之師

擊蒙

象也二剛皆治蒙者九二剛而得中其於蒙也能包之治之以寬

者也上九剛極不中其於蒙也乃擊之治之以猛者也艮為手有擊象

不利為寇

占也寇謂六三

坎體陰柔不正寇也

利禦寇

占也治蒙之初而用刑已非得已況治蒙之終而用兵乎聖人於初

欽定四庫全書

卷一

又為用刑受刑之人兩設其占於上又為受兵用兵之人又兩設其占焉上九六三正應六三惡蒙為寇者也上九治蒙禦寇者也其占為寇者不利而禦寇者利夫葛伯之仇餉密人之不共湯文王用兵擊伐之者以其昏迷不悛故也彼若能悛則此无可禦之寇而兵亦不用矣禦者止之使不為寇也上之義取諸艮

六五俱六九

為蒙之革

經彖辭凡二十三字又辭凡六十二字告公獨切說吐活切桂真失切楷公獨切取千聚切註不復扶豆切比皮二切後同少式照切斂上聲徹去起呂切覆孚阜切同若秋切龍音皮上為此為云偽切後又為同父音又勝平聲君與音余舍音捨夫音扶餉式亮切共音恭悛聽全切



乾下



一之六上之四
陽大壯變主九五

需

此義皇乾下坎上之卦而父王名之曰需
需須待也乾健上進坎險在前故須待也
有孚 占也

中實感人之應之

光亨

占也中上意言有人之孚致光顯而亨也

貞吉

占也正主利事則吉也

涉大川

占也需自大壯而變四往居五三四五互離成舟象

初九

初之畫得九為需之井

需于郊

象也卦中四畫象國中初上象國門相近之郊去險尚遠

而需待不進

利用恒

占也初九變為柔成巽得恒下體四互變唯上六不變成震得恒上

體初雖變而終不變則為恒也至終不變是能常久須待不進而近險也

无咎

占也

九二

九居第二畫為需之既濟

需于沙

象也九二剛而在地土位與坎水之中相應猶沙地雖未

瀕水而遠水已漸漬於其中故曰需於沙

小有言終吉

占也小陰也謂二若變為柔則其占

如此有言如鄭息有違言謂以口語相傷也小者得此占雖人有違言而自處不失其中故終吉也

九三

九居第三畫為需之節

需于泥

象也三近坎水剛變為柔亦如水際之濕土故為泥謂須

待于瀕水之泥也

致寇至

象也坎雖為寇已不逼近之則寇何由而至三進逼於險是自致坎寇之

也至

六四

六居第四畫為需之大

需于血

象也四已在險地坎為血卦故曰需于血

出自穴

象也出謂自內而出外也四者坎內之耦畫象穴往順于五則是自穴而出在外矣

九五

九居第五畫為需之泰

需于酒食

象也坎水為酒二三互兌為食九五剛中正位天

位酒食燕樂貞吉也

占

上六

上之畫得六為需之小畜

入于穴

象也入謂自外而入內也四為穴上應三是入于穴之內

也上猶不言需者時既終矣无復有所需也

有不速之客三人來敬之

象也

敬戒占者不速不台也客三人乾三陽也乾為客來謂處於內如泰之大來也乾三陽在內乃其素處之位非上六所召而來者上六乘正下應九三之陽初二與九三同為陽類上六皆敬之也終吉占也以上能敬在下之陽故居需之終而吉也

六畫俱九六為需之晉

經彖辭凡十一字爻辭凡六十一字注漸漬將廉切樂音洛无復扶豆切



坎下乾上 ○ 六之一上之四緯二陰遞變主九二

訟此義皇坎下乾上之卦而文王名之曰訟訟以言相

健所以有孚占也二以中實室惕中占之意言雖有孚

惕懼中實故室得中吉占也凡易言初中終皆謂其時

吉終凶占也終之時凶者訟至終極而不止利見大人

占也大人者不利涉大川占也訟自遯而變三來居二

乾之九五也舟利於進前不利於退後需主爻九五自四上往為五

進舟而前所以利也訟主爻九二自三下來為二退舟

而後所以不利也初六初之畫得六不永所事象也此邵子所謂意象也

為訟之履象也此邵子所謂意象也

不永所
事之象

小有言終吉

占也初六陰也故曰小其占始雖有言語之傷至終則吉也

九二

九居第二畫為訟之否

不克訟

象也能勝曰克二與五訟五剛中正居尊位非可勝者故

二不
克訟 歸而逋

象也訟由逋而變逋以六居二訟則九居二二不克訟變剛為柔以避五則九二還

為遯之六二
故曰歸而逋

其邑人三百戶

象也二變成坤坤為邑二為人民二畫之耦為門戶

者門之半故一畫之耦為戶庶人有戶无門故民數以戶稱坤之數十其十為百坤三耦為三百戶三又坎數无眚 占也眚過尤也處弱避強邑小民寡所以无眚

六三

六居第三畫為訟之垢

食舊德

象也五四三互兌之倒體口向內而食也陰虛食陽之實

上九應六三六三食於上九也舊謂素常德謂所得之食上九在上而食人六三在下而食於人三之從上乃

食其素常所
得之食也
貞厲終吉
占也以正主事始雖危而終得

可吉以其能從
陽剛之應也
或從王事无成
占也從王事坤六三謂

倡而已訟六三止云
无成則終始皆无矣

九四
為訟之渙
不克訟
象也與九二同四亦
復即命

象也復還其舊也即命就受命也命自上出者也四訟
五則拒上命矣既不克訟變剛為柔復其舊而受上命

也四變成巽巽為命
故有復而即命之象
渝象也渝變也變其
安貞吉
占也
安靜

以正主事
則吉也

九五
為訟之未濟
訟元吉
占也居訟之時有長人之善
而吉也項氏曰人謂九五為

聽訟之君非也。爻象皆稱訟，何謂聽訟？但訟卦五爻皆不正，唯九五一爻既中且正，中則我不終訟，正則人不克訟。此訟之最善者，或為德之尊，或為位之尊，不必專指人君也。

上九 上之畫得九

或錫之鞶帶終朝三褫之

象也。錫與鞶帶革

帶也。所以繫鞶帶，凡命服先束革帶，乃加大帶。三四五互巽為股，上九一畫連亘當股之上，鞶帶之象也。自旦至食時為終朝，五之位為日之正中，上之位在五之外偏而不中，故為日之朝褫。鄭本作挖，徒可切。晁氏曰：如挖紳之挖，澄案若只依今本作褫與挖，通用訓挖亦挖之義。訟勝受服矜喜之極，故終朝之間三挖拽而加諸身也。上九與坎之上畫為應，二坎數也。項氏曰：凡訟皆起於剛而止於柔，九二九四皆剛者也。是以起訟終以居柔而不克訟，故一遁一渝皆變而止。初六六三雖居剛位，而其德皆柔，故能終吉一為不永所事，一為從

欽定四庫全書

卷一

事无成獨九五一爻有全剛之資有導大之勢可以訟矣而居中履正非好訟者也故為元吉上九以剛居柔可以不克訟矣而在訟之終居高用剛不勝不已此終訟之凶人也

六畫俱六九為訟之明夷

經彖辭凡十八字爻辭凡七十一字說卦紙切註食於食人音嗣長人知兩切好訟虛到切



坎下坤上 ○ 六之八上之五緯一陽復變主九二

師 此義皇坎下坤上之卦而文王名之曰師師眾也一陽在下卦之中眾陰從之有將帥統眾之象焉貞

大人吉 占也正主用師之事者必大人乃吉大人九二也陽為大二人位舊本作丈人崔氏憬曰子夏

傳作大人今案子夏傳雖後人附託之書然此彖作貞大人吉與困卦彖辭同皆以內卦坎中畫九二為大人

其義為得文字蓋大字之訛又案太玄衆首擬師卦其
贊辭曰丈人摧拏蓋用易語則丈之訛為丈在先漢已
然矣王弼解丈人為嚴莊之稱陸績則云丈人者聖人也
澄案論語莊子等書稱丈人者謂老人无力以老而扶
杖故曰丈人解為嚴莊固未當若績之
意則是而無此訓義今定從崔說作大
无咎 占也程子
曰占而無
咎也蓋有吉而有咎者有無咎而不吉者吉
且无咎乃盡善也吉謂必克无咎謂合義

初六

初之畫得六
為師之臨

師出

象也在內而外為出

以律否臧

象

數戒辭也謂師出之初宜以律而否臧之春秋左氏傳
曰執事順成為臧逆為否有律以如已也故曰律否臧
此蓋謂聽吹律之解以占師之或否或臧也案周官春官
大師之職執同律以聽軍聲而詔吉凶鄭註引兵書云
王者行師出軍之日授將弓矢大師吹律合音官則軍
和士卒同心商則戰勝軍士強角則軍擾多變失士心

欽定四庫全書

卷一

徵則將急數怒軍士勞羽則兵弱少威明又案春秋傳
晉人聞有楚師驥曰吾驟歌北風又歌南風南風不
競多死聲楚必无功杜註云歌者吹律以詠八風又案
史記律書曰六律為萬事根本其於兵械尤所重故望
敵知吉凶聞聲效勝負武王伐紂吹律聽聲推孟春以
至於季冬假氣相并而音尚宮司馬氏索隱云古者師
出以律凡出軍皆聽律聲證謂律自坎取象苟凶占也
九家逸象坎為律上下空而陽氣實其中也初柔
弱在下而不正不正非出師之義柔弱非出師之才故
凶然聖人先教戒之俾師出之初定其否臧于律因律
解之至吉而師不出則不至於凶也

九二

九居第二畫為師之坤

在師

象也在師在軍中也古者制軍之法二千五百人為師五師為

一軍軍將皆命卿九二以一陽在五

中吉

占也中者以陰之中猶一軍將在一師之中也

居下卦之

中也其占為中主之時則无咎占也與王三錫命申明

吉亦以戒其老師武也无咎占也與王三錫命申明

无咎之義將之在師者中之時吉且无咎當膺王三錫

命之寵錫命如王使宰周公錫齊侯命王使內史過錫

晉侯命也至于三者天寵之優渥也

也二應在五五為王三坎之數也

六三六居第三畫師或與尸象也坎為與人死曰尸盧

之上故象與尸范氏大性曰二為卦主三以失位之柔

而乘之此師之所甚忌者故有饋軍之象古者兵雖敗

猶不忍棄死者故載尸以歸與尸猶以車凶占

載棺而謂之與櫬也或者有時而然之辭凶也

六四六居第四畫師左次象也春秋師次于郎師退次

為次虞氏曰震為左澄案兵事尚右右為前左為後故

八陳圖天前衝地前衝在右天後衝地後衝在左左次

猶言退舍謂不進前而退後也。无咎，占也。程子曰：師之進以強勇也，四能勝而完師以退，愈於覆敗遠矣。

六五

六居第五畫為師之坎。

田有禽

象也。田謂二下卦坎有禽，象田有禽則可以獵獲，利。

執言

象也。執言謂奉辭以伐罪。

无咎

占也。程子曰：師之興必以蠻夷猾夏寇賊姦宄為生民之害，不

可懷來然後奉辭以誅之如此而動，乃得无咎。若輕動以毒天下咎矣。

長子帥師弟子與

尸

象也。凡次子以下為長子之弟者皆曰弟子。震為長男，坎為中男，九二震之下畫長子也。六三坎之上畫

弟子也。帥師當專任長子，若又兼任弟子則事權不專，威令不一，必至喪敗而興尸以歸。六三居剛而乘九二之上，如先穀不順，荀林父之命馬謖，因違孔明節制以取敗者，故有此象。貞凶，占也。正主其事而如此則

凶程子曰自古任將不專而致覆敗者如晉荀林父邲之戰唐郭子儀相州之敗是也

上六

上之畫得六為師之蒙

大君有命開國承家

象也六上變為剛居一卦之上

大君之象巽風震雷皆命令之象互震在下大君之命自上而達於下也三四五上成離象家震為長子承家也此以師之終言之用師成功大君有命令之或開國為諸侯或承家為小人物勿用占也小人物謂細民農工商賈也庶大夫也小人在官者亦是若小人得此爻之占則多用蓋開國承家之賞非小人之所可當也

六畫俱六九為師之同人

經彖辭凡七字爻辭凡六卜九字大人舊本作丈人今依崔憬所定否音鄙長子知兩切註天

欽定四庫全書

卷一

六

師之職大音泰傳直懋後同內史過君和切
債音奮攬初覲切度待洛切覆敗孚卜切喪敗

喪去聲穀胡谷切
諛所六切賈音古



坤下

坎上



五陰

剝變

主九五

五

五

五

五

五

五

五

五

五

五

五

五

五

五

五

五

比此義皇坤下坎上之卦而文王名之曰比二人反面
相從謂之比一陽居尊而五陰從之如五家為比而

比長統

吉

則元非爭故吉

原筮元永貞无咎

也

也

也

也

也

也

也

也

也

也

也

也

也

也

也

也

也

也

比卦謂之原筮初筮而得此比卦者其占吉再筮而得此
比卦者其占為元德之人永久正主其事則可无咎蓋

不能如初筮

所

占之吉也

不寧方來

若女不寧侯不寧蓋諸侯之不

寧

方

來

若

女

不

寧

侯

不

寧

蓋

諸

侯

之

不

寧

方

朝貢者也王者再筮而得此卦其占為前
時不寧之國繼今以後方且來朝貢也
後夫凶占也
昏姻

之家再茲而得此卦者占為女子所嫁之後夫則凶蓋夫不可再也比卦衆陰所從一陽而已如民之戴一君女之事一夫不可以二因再茲而發此不可再之義

初六

初之畫得六為比之屯

有孚

占也初變為剛以實感人也二孚於初

比之

象也初與

二相比近故二來比之

无咎

占也比自近始二有孚而比初所以无咎

有孚

占也此有孚謂三四

盈缶終來

象也初變為剛則初二三四有缶象言有孚者不止於二若三若四皆在缶之中其有孚

者盈滿於缶之中而終來孚於初也

有他吉

占也初不止比二而又有他并往比三四在下之陰同一

心而順從九五則吉也

六二

六居第二畫為比之坎

比之自內

象也比之者初比二也故曰自內

貞吉

占也

六三

六居第三畫為比之蹇

比之匪人

象也三近於二二比三者也然三居人位而不中正

是人而无人道也故曰匪人

凶

占也

六四

六居第四畫為比之萃

外比之

象也外謂五也四近於五故五比之

貞吉

占也得

正而陽剛中正之賢比之故正主事而吉也

九五

九居第五畫為比之坤

顯比

象也五以陽剛當天之中衆所共觀與上冥下幽者不同故曰

顯顯比顯明其道以比天下也

王用三驅失前禽邑人不誠吉

占也謂王者並

得此爻而用之以田獵也三驅者因田以教戰凡馳驟進趨皆以三為節周官大司馬仲冬大閱立三表是具法也驅即所謂驅逆之車驅出禽獸使趨田也三坎數坤馬駕坤輿以行象驅禽被驅而前去者不追唯順而

來者取之失謂任其去失前指上六禽坎象坤為邑二三四皆人也誠期約也田獵之時其民竭作不期約之是聽其自至也九五比之主以一陽統衆陰然上六之在前者縱其去四陰之在下者不必其皆從王者大公无我之心不計人之從已而人自无不從此又為田獵之吉占而占之中又有此二象也

上六

上之畫得六為比之觀

比之无首

象也此之謂九五比之聖人一視同仁不以上六在

外而不觀比之也然上六居一卦之上如人首在一身之上也獨外王化不內嚮九五之比之下體具足而獨上體不完猶人之无首也盖比卦五陰下四陰皆順從一陽唯上六一陰在一陽之外非嚮化者故有此象

凶

占也苗之於舜葛之於湯崇之於文王自取其凶也

六畫俱六九為比之大

經彖辭凡十六字爻辭凡六十二字比之匪人
下舊本无凶字今從王肅本比皮二切後不音者

並同註比長知兩切
若女音汝朝貢音朝



乾下巽上 一之五上之六 變主六四

小畜

此義皇乾下巽上之卦而文王名之曰小畜小謂
陰畜藏也一陰藏畜於五陽之間小者藏畜也

亨

占也雖小者畜
藏而亦可亨也

密雲不雨自我西郊

象也坎之水其
氣上升為雲其

液下降為雨二三四五兌有坎之上半體變坎之下
半體上有雲而下无雨也坎之下畫室塞不通室塞象
雲之密不通象雨之不降我謂六四為卦主故稱我西
四之位又互兌之上畫也內卦象國中四象郊西郊陰
方也陽倡陰和則雨陰倡陽和則不雨自西郊陰倡
也小畜一陰為主未能成濟物之功故其象如此

初九

初之畫得九為小畜之巽

復自道

象也小畜一陰為主而初九獨與之應宜有咎也若外不

繫於陰柔內自守其陽剛是為能復復一陽五陰小畜一陰五陽卦之相反者小畜五畫俱變唯初九不變則為小畜之震九以一陽居初與復之初九同故以復為象道正路也震為大塗故以道為象初之能復也不繫正應之四而比同德剛中之二復而由正道者故曰復自道

何其咎

占也舍柔應從同德何咎哉

吉

也占

九二

九居第二畫為小畜之家人

牽復

象也剛而得中初九舍六四正應而牽連九一以復于初

初之復也二有力焉故曰牽復吉也

九三

九居第三畫為小畜之中孚

輿說輶

象也輶伏兔也在輶之上承輿者車不行則說之二

若是耦畫則二三四五坎為與九二奇畫是坎之下畫不存也與下說去其輹之象九二為輹之輹九三為輹輹輹氏曰案說文作輹澄案輹因音近而誤也輹者輹輹非可說者作輹

夫妻反目

象也三夫也四妻也反目反其目而不相視也

互離為目離目視上不視下反目之象初四為正應四乃初之妻也初能自復而遠絕之三與之比欲與為妻然四上合五而不下視三故反其目三欲妻四而四不夫三也

六四

六居第四畫有孚占也有血象也坎為血卦三四為小畜之乾

傷也四與三去惕出象也去如微子去之紀侯大去其不和故有傷

云怵惕久未出避三之見傷故去其所而出外以无咎上合於九五一陰介二陽之間變為剛實故能惕懼也

占也不從近比強昏之夫而歸寧歸宗以依于君親其補過亦可善也

九五

九居第五畫為小畜之大畜

有孚

占也有四之孚

學如

中占之意言四孚五亦學四

其交
國結
富以其鄰

象也陽實為富陰虛為不富鄰謂四言九五富實而能提挈帶挾其鄰也

上九

上之畫得九為小畜之需

既雨既處

象也陰畜藏於陽之內陽旋

為柔則成坎而為雨故曰既雨雨作而風息處者外陽不復動也故曰既處

尚得載

象也尚猶配也與已

配而在已上者也臣下取帝女曰尚公主漢書卓王孫自以得使其女尚司馬長卿尚謂六四小畜以六四為主爻而九三以之為妻四在三上故曰尚得舊作德晁氏曰京房虞翻子夏傳皆作得今從之載者車中所載之物也故為輿上九坎之上畫而實其中象車之有載故曰尚得載上九與九三為敵應之爻上九爻辭自此

以下皆取應爻九三及主爻六四而言亦於卦終總言一卦之義故不專取上九一爻之義也婦貞厲占也婦亦謂六四六四既與九三反目九三為夫不自正主事而俾六四貞之則危矣月幾望象幾孟荀一行作既今案幾亦有既音左氏傳庸可幾乎幾既古字蓋通用納甲巽卦象既望之月參同契曰十六轉受統巽辛見平明月幾望者陰之盛謂六四為卦主也易以月幾望為象者三皆陰為主之卦也筮日得此爻則以君子征凶占也君子謂九三也征行也行軍此象為占

曰征受制於妻失為夫之道矣其能行乎故征則凶也

六畫俱九六為小畜之豫

經彖辭凡十一字爻辭凡六十二字輟舊本作輻得舊本作德說土活切學力專切載才再切幾

音既註和胡臥切幃音老遠絕于願切強
昏起兩切取帝女音娶長卿知兩切所載如字



兌下乾上 〇 二之一上之六 緯
一陰始變主六三

履虎尾不咥人

此義皇兌下乾上之卦而文王名之曰履履足踐地也卦之初二為地卦自垢

而變初柔升三履二之地故曰履卦名連彖辭象也二三四互離為虎離於飛類象雉於走類象虎外文明而中陰實也二與初在後虎之尾也以三履二為履虎之尾上乾為虎之首所履之尾在後而虎首趨前上口不聞為不咥人亨占也

之象三為人亨也

初九

初之畫得九為履之訟

素履

象也絲帛未加采色曰素言不改其舊也初九陽剛安於在下

不變所守素其似而行者也舜飯糗茹草若將終身顏子居於陋巷不改其樂其斯之謂與

往无咎

占也其往也安行其索耳豈有慕乎外而往哉故无咎

九二

九居第二畫為履之无妄

履道坦坦

象也二為地上九二剛變為柔得坤中畫成震大塗

所履者地上之正路坦坦然平夷者也

幽人貞吉

占也初在地之下為幽二為人二比初而居中

故曰幽人二比初亦比三然能內取剛正之初而不外昵柔邪之三所以為幽人之正主事而吉也

六三

六居第三畫為履之乾

眇能視

象也眇一目少也二三四互離為目目眇者所視偏離之

中虛在三不中不正視之偏也視雖偏而雖目无所傷目雖眇而猶能視之象

跛能履

象也跛足偏廢

也震為足兌變震之中畫足跛也震下畫之陽猶存足雖跛而猶能履之象

履虎尾

咥人也

象與彖辭同彖通指一卦而言則上九虎之首也虎口實而合有不咥之象此專據一爻而言則三為人之位

兌之上畫也兌口虛而開如凶占也居不正非能馴暴人在虎口中故有噬人之象養貪者其被噬而凶也

宜武人為于大君象也飛而居剛內剛也外比九四外剛也質柔而內外俱剛血氣之勇非

義理之勇故為武人之象為猶虞書汝為之為謂以膂力之剛而效使令也大君上九也大謂陽乾為君六三應上九以力而效用于大君之象噬人之象其占固凶矣又有此象則不啗凶也易之前民用其變不常者此如

九四為履之中孚履虎尾愬愬象也初為虎之尾四應初下履虎之尾也愬愬

畏懼之貌剛而終吉占也臨禍害而能居柔故能畏懼終吉畏懼終獲其吉也

九五為履之睽夬履象也夬決也五剛決去一柔為夬他爻所言履字各爻之自

履也此爻所言履字則卦名之履專指六三而言蓋六三成卦之主也爻與履皆一柔五剛之卦上下二體互易耳六三以不中不正之柔下履九二之剛小人之凌君子也九五與九二德同位應欲為九二決去六三故曰夫貞厲占也陽之不能無陰天地之常道君子之不能無小人亦古今之常理小人值當去之時有可去之勢固在所必去苟時勢或有未然則姑且容之而已爻之一柔乘五剛此當去之時可去之勢也故決而去之為宜履之六三雖乘九二之剛然和說以應上出力以奉上彼自不中不正耳非能敵陽者也共鯨雖兇與稷契皋夔同處堯朝何損於堯之治必欲正主決而去之之事則反危矣危謂於時未宜於勢未易也

上九上之畫得九為履之兌

視履象也居履之終人皆視其所履之何如六三離目為應自下視

上故曰

考祥其旋

占之事也人之行莫大於孝養生之孝未為大喪死之孝最為大上爻當

乾父之終父死稱考祥者父喪既終之時也旋反還也
居喪在外旋者祥後復寢之時也視其所履於親之終
者當視其所履於喪之終元吉占也三年之喪盡禮可謂能慎終矣
此大善之人所履之吉也

六畫俱九六
為履之謙

經彖辭凡七字爻辭凡六十二字咥徒結切眇
妙小切跛波我切愬山革切註飯糗上孚晚切
下其父切其樂音洛使令來丁切當去可去去
之並起呂切共音恭朝音潮未易以鼓切之行
下孟切養
生于尚切



乾下
坤上
一之八上之七
三陽辟主九三
經

泰

此義皇乾下坤上之卦而文王名之曰泰三陽長出地上六陰已消其半夏正正月之卦也泰者流通无

滯之謂天氣下降地氣上騰二氣交而相通也

小往大來

象也小謂陰大謂陽三陰皆往居外三陽

皆來居內

吉亨

占也吉而文亨占辭之極善者

初九

初之畫得九為泰之升

拔茅茹以其彙

象也初九變為柔成巽象茅茹茅根也彙

類也三陽為類茅雖不共本拔之則其根相連而起初之以其類同進似之

征吉

占也三陽同行而進

故吉也

九二

九居第二畫為泰之明夷

包荒

象也包者古人蓋以茅葦之屬包裹魚肉也凡易中言包者皆

謂陽畫荒與虛通血也九二變為柔互坎之陽畫為血九三陽畫在外包之郊祭天神燔柴之後最先進血禮

記曰郊血至敬不饗味而貴氣臭也包盛謂包裹牲血以進而達誠於天也二五正應五天之位也而陰上升以交乎天二地之位也而陽下降以交乎地此禮所謂升中于天饗帝于郊者陽象天神陰象下地主祭之人二之交五必包裹祭天之血以達誠于上也荒諸本作荒今依許慎說文及虞翻本作荒考象義當作盛諧解字從省故云血其後傳寫訛荒用馮河不遐遺朋亡也下去血而上加草則失其義矣馮徒涉也河者流水之名遐遠也遺謂物有遺失亡去也九二剛變為柔二三互坎為水之流三四互震為足之動初二三成離雖有舟象然震足動於前而舟在其後為舍舟而徒涉之象九二實變而虛為失物之象不離本位不遐之象不遐而遺猶曰不遠而復也初陽在水之內不與同涉朋亡之象陽盛於進故其占為用之以徒涉河水則不遠而已有所遺得尚于中行也失朋類亦皆亡去此戒其進之銳也

尚配之在已上者謂六五也中行中路也五居上卦之中故曰中行其占雖朋亡於下而得配于上也

九三

九居第三畫為泰之臨

无平不陂无往不復

象也泰至半矣慮其將變也泰

三四相易則變歸妹九三比六四故以二畫之相易取象泰之上體坤也若三四相易則三四五互坎而平夷

之坤變為險陂之坎矣故曰无平不陂陰往在外若四易三則往外之陰來復于內矣故曰无往不復程子曰

三居泰之中泰之盛也物理如循環在下者必升居上者必降泰久必否故為之戒曰无常安平而不險陂者謂无常泰也无常往而艱貞无咎占也泰將變之時以

不反者謂陰當復也

艱貞无咎

占也泰將變之時以艱難之心正主事則

无咎

勿恤

占也又戒以勿憂恤盖徒憂无益必有處之之道

其孚于食有福

占也

其者期之之辭陽者陰所食六四食於九三九三若能孚于食已之實者而得其心則必无來復易位之禍是

有福也互
兌象食

六四

六居第四畫
為泰之大壯

翩翩

象也翩翩飛而向下也小過有

翼翼在

兩旁而身在中也泰六四變為剛三四上得

小過全體之半陽在下陰在上如鳥身投下翼飛于上

而隨身

不富以其鄰

象也其占為雖不富而能以其鄰

求陽故四趨下而

不戒以孚

象也四孚于其鄰鄰亦應

以其所孚

之鄰皆肯從之也

六五

六居第五畫
為泰之需

帝乙歸妹以祉

象也帝乙商王也六

剛中帝乙下嫁從夫之象泰卦互體及卦變皆成歸妹

卦故以歸妹為辭祉福也以祉言將其寵祿以歸夫家

也社指四上二陰而言六五下嫁九二而二陰從之也
朱子曰帝乙歸妹之時常占得此爻凡經以古人為言
如高宗箕子之類皆放此澄案他書載湯嫁妹之辭云
云其辭雖善要是後世好事者假託為之或乃因是遂
指帝乙為湯而謂非
受辛之父者惑矣
元吉 占也

上六

上之畫得六

城復于隍

象也掘隍取土以築城隍
為泰之大畜

似之城高出地上連亘不斷奇畫似之上城也三隍也
泰之上其畫耦而為坤體是城之高者平矣泰之三其
畫奇是隍之虛者實矣故為城土
類地復還舊處填塞其隍之象
勿用 師 占也上六變
不完眾散邑削
故勿宜用師
自邑告命貞吝
占也邑既削矣先口在
乃自邑而告之以命欲用
其眾如是正主事則吝也

六畫俱九六
為泰之否

經彖辭凡七字爻辭凡八十七字
荒舊本作荒
彖音胃註
風黃切去血起呂切
放封廣切好

事虛
到切



坤下
乾上
八之一上之七
經
三陰辟主六三

否

此藏皇坤下乾上之卦而文王名之曰否
三陰長出
地上六陽已消其半
夏正七月之卦也
否
隔塞也
與

病痞之痞同
義天氣上而不下地
不利
君子貞
占也
君

氣下而不上二氣不交而隔塞也
不利
君子貞
占也
君
故不利
大往小來
象也
二陽皆往居外
正主事
三陰皆來居內也

初六
初之畫得六
拔茅茹以其彖
象也
三四五互巽為
茅初二乘畫皆茅之

易經

卷之三

六

始也泰之三陽以其類同進否之三陰亦以其類同進故象與泰之初同

貞吉亨

占也正主事者吉而

亨也或曰泰之三陽並進君子之類也其占貞吉宜矣否之三陰並進小人之類也其占正主事亦吉亨何也曰君子之有小人猶夫之有婦陽之有陰豈能絕其類哉唯艱其進遏其盛不使之勝善類而害治道斯可矣小人者治世之能臣亂世之姦雄也自占治世為君子分憂任勞者固亦有亂世之姦雄特世治黨衰則不能為惡耳方否之初陰以類進聖人不遽絕之也初與九四正應奉承君子固可以吉且亨也誘之趨善俾天下无棄人聖人之仁也貞者以正主事也不能改心易慮以從君子為能以正主事哉而何吉亨之有

六二

六居第二畫為否之訟

包承

象也承當作晉牲之正體也古字通用故作承六二坤體為牛

性居中為正體與九五應以九五之陽包之也小人當否而求通豈能守道俟命唯以包直饋遺為事而已曲

禮曰以包苴簞筭問人莊子曰小人吉占也如象所云
小夫之知不離乎包苴竿牘占也如象所云

吉 大人否亨

占也大人謂九五九當五之時則能休否而吉在二之時雖未出乎否然守道俟命

豈肯妄為以求通故
身雖否而道則亨也

六三

六居第三畫為否之遯

包羞

象也羞者臠截膾炙醢醬之屬食之加品非食之正品也六三

亦牛牲然位不居中又不得正非牲之正體也故象羞九四之陽在外包之以包苴遺人而其遺非正饌又非中正之二可比矣

九四

九居第四畫為否之觀

有命

占也有命與師上六大君有命同三四五互巽為命以剛健之

才居近密之位受君命之寵委任以濟否者也
无咎 占也居不當位宜有咎也
有君之命得展其才以濟

時故占也疇離社占也疇類也離附麗也疇謂陽之類指三

行其濟時之志故三陽皆將出乎否三陰皆將順乎陽是陽類同受陰社之附麗也

九五九居第五畫休否象也人依木旁以息曰休三四

得休息九五陽剛中正之大人如木有庇蔭可依故在下者依其庇蔭以休息於否將變之時也大人

吉占也否將變而得以休其亡其亡繫于苞桑象之教

其者慮其將然之辭亡去失也與馬匹亡及莊子俱亡其羊之亡同苞叢生也大人者安不忘危故於否既可

休之時其遠慮深戒如有一動物在此未至於亡也而恐其亡曰其亡矣其亡矣其繫之于苞桑乎諸木之中

桑之根最深固而又叢生則固之甚也蓋唯恐繫之不可固而或至走逸慎之至也程子曰否將反泰不可便為

安肆當常虞否之復來聖人之戒深矣漢王允唐李德裕不知此戒所以致禍敗也

上九

上之畫得九為否之萃

傾否

象也傾猶倒也否者泰之反體坤下乾上為否反而倒之則乾

在下坤在上而為泰矣故曰傾否泰過半則泰將變至終則泰反為否否過半則否將變至終則否反為泰四之時否可祉而未能休也五之時否已休而未能傾也上九否之終則反而傾否既傾則轉而泰也程子曰極而必反理之常也然反危為安易亂為治必有陽剛之才而後能故否之上九能傾否屯之上六則不能變也

先否後喜

占也占者先之時猶否後之時則喜也

六畫俱六九為否之泰

經彖辭凡十字爻辭凡五十八字舊本卦名下有之匪人三字朱子曰疑衍文由比六三而誤

也今從其說註為君子為云偽切脅諸仍切饋
遺云偽切知音智離力智切離黑各切載則四

切災之夜切可比
補履切復扶豆切



離

上 下 三之一上之八續
一陰始變主六二

同人于野

此義皇離下乾上之卦而文王名之曰同人
同人者同心同德之人也六二九五俱以中

正居人位而相應六二為九五所同之人故曰同人卦
名連象辭象也人目所望地連天際處為野六二在下
居乎地也上應乾五應亨占也六二卦主而乾
乎天也故曰同人于野亨五為應故能致亨利涉大

川占也初二三有舟象乾健前行而
舟隨其後故以涉大川則利也

利君子貞

占也二
五中正

相應其相同者皆君子之正
道故利於君子之正主事也

初九

初之畫得九為同人之遯

同人于門

象也同人謂六二乃九五所同之人也初九變為柔

成艮門闕之象初者時之初同人自始而變六二自初往二猶自門而出外也

无咎

占也於初而出門以

就同已者非有咎也

六二

六居第二畫為同人之乾

同人于宗

象也宗如宗子之宗六二為一卦之主猶宗子為一

族之主也凡宗者各有所宗非天下為公之同也六二以中正應九五同乎九五而已他无與同者是六二之為同人不過于其吝占也程子曰同於所繫應是有所同宗之人而同也吝偏與在同人之道為私狹故可吝

九三

九居第三畫為同人之无妄

伏戎于莽升其高陵三歲不興

象也

離之戈兵為戎九三變為柔互震上畫互巽下畫為有草茅竹木之處故曰莽又互艮中畫山之半也故為陵

義與丘同下卦之上故為高伏者伏于四之下升者升于二之上三震數項氏曰伏戎于莽處下卦也升其高陵望上卦也程子曰卦唯一陰諸陽皆欲同之二中正與五相應三與之比欲奪而同之然理不直義不勝故不敢顯發伏藏兵戈于林莽之中負不直又畏懼時升高陵以顧望至三歲之久終不敢興既不敢發故不至也凶

九四

九居第四畫為
同人之家人

乘其墉弗克攻

象也墉城垣也離中虛外周象墉九

三為六二之墉四在三上乘其墉也九四亦欲得六二乘二之墉將攻而取之然二之應五正也四之於二非應非比其攻之為无名而逆理甚矣二雖弱而直四雖強而不直始有攻之之意終以義之不可故弗克攻而止項氏曰凡爻言不克者皆陽居陰位訟之九二九四同人之九四是也唯其陽故有訟有攻唯居陰故不克

訟弗吉占也程子曰知不直而不攻畏義而能改其吉
克攻宜矣澄案三之伏戎四之乘墉或並以爲抗五
或並以爲侵二或謂三欲侵二四欲抗五以文義考之皆
非也夫陽之得陰陰之從陽者以其應也以其比也如
之初六正應九四而九二與比者得之同人六二若非
以中正與九五同則不保其不爲妬之初六矣九三不
應六二之不從已唯忿九五之能得二故不急圖二而
專以敵五爲心晉文公一戰勝楚諸侯之從楚者自不
能不從晉九三非能如此也而謬計妄想蓋欲如此九
三與九五度德雖殊度力猶頗相等均之爲以剛居剛
故也若九四之以剛居柔則力非能抗九五者矣故不
敢咎五而徑以攻二爲事晉悼公與楚爭鄭不伐楚但
伐鄭鄭不能支而楚自不能與爭九四非能如此也而
輕舉妄動蓋欲如此然三之於五卒不能興者以勢之
不敵而不敢也故僅可以免凶四之於二卒不
攻者以義之不克而不爲也故猶可以獲吉

九五

九人居第五畫為同人之離

同人先號咷而後笑

象也同人亦指六二號大呼也

咷

哭也號咷者離火之聲笑者兌口之說也六二往應九五而厄於九三之強鄰其先六二在離火炎焚之中

而號

咷其後與九五相遇九五變為鼎則成兌口而笑矣

大師克相遇

象也同人六二變為鼎則成

師師以坤為衆坤衆自乾惕而變故為大師九三之強

必時事俱變以大師克勝之然後二與五得相遇也

上九

上之畫得九為同人之革

同人于郊

象也初九六二九五所稱同人皆謂六二蓋六二者

一卦之主為九五所同之人此爻所稱同人謂九五蓋

九五者與六二相同之人也郊謂國門之外凡卦初上

二爻有擬之以人者有但言其時者此卦之初上是也

二五為心德相同之人三四為爭奪六二之人此四爻

各擬之以人者也初九但言時之初同人于門以六二

在初之時而言也上九但言時之終同人于郊以九五

在終之時而言也此二爻不擬之以人者也九五與六二以中正相同然可與同者止有六二而已廣有八元八凱周有亂臣十人下至中林且兔之夫猶可以為公侯之腹心何其同者之多也漢昭烈僅得一孔明猶魚之有水何其同者之寡也乾九中而居五則六二為應終而在上則下无應與如出在國門之外環視四顧无一同者矣无悔占也非自處不善時則然也雖无衆賢共

六畫俱六九
為同人之師

經彖辭凡十三字爻辭凡六十一字莽莫黨切
號戶高切咷道刀切誅夫陽音扶勝楚升正切

度待洛切
頗匹可切



乾下
離上
○ 一之三上之八緯
五陽史變主六二

大有

此義皇乾下離上之卦而文王名之曰大有大謂陽有者盛多之義繫辭傳云富有詩小雅云旨且

有釋者謂有猶多也卦以大名者四大有言大者多有也大畜言大者藏畜也大過言大者太過也大壯言大者盛壯也此卦一陰居尊為主而五陽具簡故曰大有舊說謂陽為陰所有非也

元亨

占也

初九

初之畫得九為大有之鼎

无交害

象也交如朋友之交无交如文言傳所謂无交而求孟子

所謂无上下之交者初九无應而遠於所主故曰无交害者利之反也謂所求不利

匪咎艱則无咎

難則

可无咎上无交契前有剛間不可慢易也

九二

九居第二畫為大有之離

大車以載

象也坤為大輿其畫耦而虛大有之下體乾也其畫

奇而實猶坤之大車而以載實其中也

有攸往无咎

占也剛健勝重故有所往则无咎言无覆

敗之
憂也

九三

九居第三畫
為大有之睽

公用亨于天子

占也言諸侯筮得此
爻而用之以享于天

子也享備物以獻也凡諸侯朝覲天子先朝而後享朝
者禮之重享者禮之盛衆觀禮先執圭以覲後乃備物
三享也蔡氏曰公三也天子五也居下之
上故稱公進近乎五故有享于天子之象
小人弗克也
小人筮得此爻則弗
克承當不宜用也

九四

九居第四畫為
大有之火畜

匪其彭

象也彭者作樂聲容之盛
也大有者陽之盛多唯初

九處下无交不言其盛九二大車重載則盛矣九三備
物亨上則又盛矣九四在三陽之上以陽息之卦言之
則為四陽之大壯盛之至也物忌滿盛九四離體能明
此理居柔不過於剛不自處以盛者也故曰匪其彭

欽定四庫全書

易纂言
卷一

三

无咎

占也當感之時不
處其盛故无咎

六五

六居第五畫
為大有之乾
厥孚交如威如
象也六五以柔中下
應剛中之九二其孚

信于九二如物之交合固而不可解又得
九二之剛以濟已之柔故有威如之象

吉占也

上九

上之畫得九為
大有之大壯
自天祐之
象也六五者一卦之主
也上居卦之終故於卦

終言卦主之盛四陽在六五之下者皆應之矣上九一
陽在六五之上而亦應之上天之位也上一陽之應五

是天之祐也
吉占无不利占也

六畫俱六九
為大有之比

經彖辭凡四字爻辭凡六十字載才再切亨香
兩切彭陸氏步郎切又如字註剛間居限切易

以致切勝重
音升朝音潮



艮下



七之八上之九
一陽復變主九三

謙

此義皇艮下坤上之卦而文王名之曰謙謙者屈已下物也艮山之高而在地下是貶抑其尊甘處物下

也坤地之卑而在山上是推遜卑者使居已上也內止則退已而不進外順則讓人而不爭所以為謙也亨

占

君子有終

占也其占既能致亨矣若君子筮得此卦則其占又能有終也凡單言有終者有初

而有終也九三為一卦之主君子蓋指九三言之

初六

初之畫得六為謙之明矣

謙謙

象也陰柔處至下謙而謙者也

君子用涉大川

吉

象也君子筮得此爻而用之以涉大川則吉也初六變為剛初二三成離有舟象坤順在上前无阻隔故

吉柔變而剛

故曰君子

六二

六居第二畫為謙之升

鳴謙

象也三四五互震為雷雷有聲

互震之下畫謙在中而鳴聲發於外也

貞吉

占也中正故正主事則吉

九三

九居第三畫為謙之坤

勞謙

象也震動者勞之象有功勞而能謙如周公是也顏子之願无

施勞抑其次與

君子有終吉

占也與象同九三一卦之主象辭之占以九三言之也並得此爻者

其占如象又加一吉字以明其占之極善也

六四

六居第四畫為謙之小過

无不利

占也順而得正上而能下故其占如此

撝謙

象也

撝如手之撝下有艮手為撝示其謙於下之象六四固能謙矣然以无功而處九三有功者之上故施布其謙

以示下蓋居三之上而不敢自安也

六五

為謙之塞

不富以其鄰

象也象與泰六四同鄰謂六四

利用侵

伐

占也不名其罪而加兵曰侵聲其罪而致討曰伐六五變為剛三四五成離有戈兵象故其占利用之以

侵伐所侵伐者蓋上六也能下為謙上六居一卦之上而乘君位非能謙者故侵伐之朱子曰自初九積到六五謙亦極矣自宜人人服之猶有未服者則利侵伐也或問謙不與人爭如何言侵伐朱子曰老子言抗兵相加哀者勝矣孫子言始如處女敵人開戶後如脫兔敵不及距大抵謙自是用兵之道无不利也朱子曰於他事亦无不利也項氏曰三為獨陽為萬民所服已下人人亦下已故止於謙无所復為五以陰柔居尊位已雖隆謙人未免有不謙者必用侵伐以一之即衆謙以攻少不謙不謙者去則天下皆謙故无不利

不當以其鄰不待賞而服同謙者也利用侵伐待刑而後服不同謙者也二者皆服則无不謙矣

上六

上之畫得六為謙之艮

鳴謙

象也鳴者以震之一陽也六二外比震之一陽由中而鳴其謙

於外上六下應震之一陽自上而鳴其謙于下由中發乎外而鳴者情也自上達乎外而鳴者不情也上六以柔居柔順體之極宜能謙矣然志欲自伸於一陽四陰之上非能屈已下人者也其鳴謙也特畏九三而為是聲音以利用行師征邑國


占也謙之二三四五上師之初二三四五也行師謂師行之

在道震為大塗行之象坤邑國之象邑謂天子畿內詩曰商邑翼翼四方之極邑國畿內之國也畿內大國皆王之三公出封封于疆地爵以上公上畫於一卦為最遠外於六位為最高上故象王畿大都所封上公之國也上六應九三乘六五能謙于剛強之臣而不能謙于柔順之主當謙之時虧謙之道故宜用師以正其罪邑

國者上六之國也。征者王命帥師之臣征之也。如春秋時王師伐虢之類。舊說以為上六自征其邑國非矣。所征之邑國即六五之所侵伐者。據六五出命而言則曰侵伐據上六在國而言則以行師至其國而正其罪為義。故曰行師征邑國也。

六畫俱六九為謙之履

經彖辭凡六字爻辭凡五十八字。撫毀皮切。註次與音余復為扶豆切。去起呂切。


坤下
震上
○ 八之四上之九緯
五陰剝變主九四

豫此義皇坤下震上之卦。而文王名之曰豫。豫者暇而樂也。以卦德則內順外動。凡人從容和緩順序以動。則先事詳審故事成而樂。若非先事蚤圖多遽紛擾而為之則事未必如意。何樂之有。以卦象則雷出地上陽。

氣伏藏地中非一日矣一陽二陽至三陽上達於地之後雷始發聲故其聲和樂諸儒皆曰豫者樂也而曰先時而暇毛氏璞謂豫當訓先釋為安逸者非范氏大性因此遂專以前定釋之二說均之為偏中庸云事豫則立以前定則不殆不困不疚不窮也前定者先時而暇矣不殆不困不疚不窮則如意而樂矣象傳於既濟言豫防固取先暇之義序卦傳言以喜隨人亦取喜樂之義合二說為一其義始備利建侯行師占也鄭氏謂建侯震象行師坤象然坤為震侯之國震為坤衆之師

初六

初之畫得六為豫之震

鳴豫

象也應震之一陽而鳴其喜樂以上達于九四以一陽為

卦主五爻之豫皆由之初六陰柔不正喜其獨為九四之應故其發于聲音者如此朱子謂小人有強援是也

凶

也占

六二

六居第二畫為豫之解

介于石不終日

象也介如介乎大國之間之介加田為田

之畔其義同石謂九四剛而在坤地之中也艮為小石之在山上也坎為石石之在地中者也三四五互坎石也二與三按界介于石也六二變為剛則成離日三為人之位下履乎地離日在三日將至地之時也故三為終日不終日不至于三也九四豫之主入皆趨附獨六二不與之比應退而以中正自守不待至三而能早疏遠之蓋至三則已與之比矣此君子見幾之早不以進附權勢為樂而以退守中正為樂也貞吉也占

六三

六居第三畫為豫之小過

盱豫

象也盱上視也六三不中不正上視九四而預以趨時附勢為

樂者悔遲有悔

占也上悔字改悔之悔教戒辭也下悔字悔吝之悔占辭也如六三之不能自

守速宜改悔若改悔之遲則有悔矣

九四

九居第四畫為豫之坤

由豫

象也由如路之可由震為大塗二三四五艮為徑路可由者也

豫自剝而變上來易四卦之所以為豫者由九四也

大有得

占也徐氏幾曰大剛也一剛而得五柔故

曰大

勿疑

占也教戒辭陰多疑居陰故戒之以勿疑

朋盍簪

占之象也朋謂眾柔盍合也簪

筭也所以收髮九四一剛貫眾柔之中一簪貫眾髮之象也大有得者言一剛之得彼眾柔也朋盍簪者言眾

柔之合此一剛也九四固能合眾柔矣又勿疑則眾柔皆歸心焉

六五

六居第五畫為豫之萃

貞疾

占也與貞凶貞吝貞厲之例同豫皆由九四權之所在眾之所

歸也六五以柔弱處其上正主事則恒不死象也恒常如有疾之人厭厭不振无能為也已恒不死象也恒常

卦上體之中畫受震東方生氣故不死五受制於四雖如疾人然能固守其恒則是不失其中也其疾可以不死如周衰之時權歸霸國周雖微弱而亦久存也

上六

上之畫得六為豫之晉

冥豫

象也上居天之上杳冥之間

成

有渝

象也成謂以和好相結約也如春秋傳求成之成渝謂改變如渝盟之渝成有渝者既成矣而又

改變也五柔同豫如諸侯之結成上六變為剛則同者異矣渝其成也楚辭曰初既與予成言兮後悔遯而有他成有渝之謂也无咎占也處豫之極當改變之時也既極而變則无咎矣

六畫俱六九為豫之小畜

經彖辭凡六字爻辭凡五十一字盱眙于切益胡閣切替側森切註樂音洛從千容切叙初崇

切洽具劫切疾見舊切帥所類切援于願切畔
皮半切疏新鉏切斧音雞厭因兼切和好虛到

切



震下兌上 四之二上之十緯
三陰否變主初九

隨

此義皇震下兌上之卦而文王名之曰隨隨謂從於人也卦自否而變三陽三陰否隔不交今一陽來初

而下卦二陰隨之一陰往上而隨
上卦之二陽以陰從陽故曰隨

元亨

占也元者九五初九二剛之德

利貞

占也初九為卦主而得正九五居尊位
而中正是德之元能致亨而利於貞

无咎

占也

德能致亨利於正主事者
則有人隨之所以无咎

初九

初之畫得九
為隨之萃

官有渝

象也官統治人者初成卦之
主以震之一君統二民為二

之官故二以近比而隨之私係爾非正應之隨也初貞雖无應渝則變為坤以柔順應四而為正應之隨矣貞

吉

占也去係就應正主事則吉也

出門交有功

象也二三四互艮象門交謂四初出門往應四

四得其助是於所交之友有功也

六二

為隨之先

係小子失丈夫

象也程子曰二應五而比初初陽在下

小子也五正應在上丈夫也二若志係於初則失九五之正應隨先於近柔不能固守故為之戒云若係小子則失丈夫也

六三

為隨之革

係丈夫失小子

象也丈夫謂九四陽之在已上者也小子

亦謂初九二之以五為丈夫者正其夫也三之以四為丈夫者非其夫也三无應无夫之婦也四亦无應无婦

之夫也。无夫之婦，近於无婦之夫，而隨之，遂以為夫。此三之係四，所以謂之係丈夫也。初者，三之君也。否上一陽降處于初，震之二民皆隨之者，六三係四失初，是隨不正之夫而不隨其君也。故曰：係丈夫失小子，係謂不當隨者，乃牽於私情而隨之，失謂所當隨者，乃違於正理而不隨之也。隨有求得，象也。隨

猶三從人也。三為四之隨，兩皆无應，四之與三者，其情專，故三之有求於四者，无不得也。利居貞，占

占辭蓋因象辭之有善而示教也。能知靜處以正主事之為利，則必不係四而有所求矣。

九四

九居第四畫為隨之屯

隨有獲

象也。隨謂六三三為四之從人，四與之專，凡三有求于四

則必得，蓋不可矣。又倚勢貪利，不待求四而自占。有獲尤不可也。獲謂攫取財物如獵取禽獸然。貞凶也。

初九舍私係之陰，則貞吉。九四昵私係之陰，則貞凶。

有孚

占也。謂有孚在道以明也。初九之孚，在道以明也。

在道謂行而在路震為大塗道也。以如以其鄰以其彙
之以明謂賢明之人即初九也。九四初九其位相應雖
皆陽剛有相求相與之理初上孚於四四履震塗之何
上而與震下一陽同位如在路以賢明之人隨行也。何
咎占也。四剛而不正資初之匡救裨益以初之正正其
隨從則何咎。人可不慎其所與哉。四居
陰故或與六三九體陽故能交初九

九五

九居第五畫

孚于嘉

象也有孚者彼孚于此單言

二昏曰嘉禮祀曰嘉耦六二為五之正應配
耦之嘉者故曰嘉五之孚于嘉謂應二也

吉

占也中
正相應

吉故

上六

上之畫得六
為隨之无妄

拘係之乃從維之

象也拘謂繫繫其
手係謂聯綴之維

謂四旁羅絡之凡維係之象取諸坎皆陰畫維係于陽也隨之三四五上肖坎卦變上六一陰自初往上而隨上卦之陽上居隨之極其隨於五也固結而不可解如既拘繫又係縛之矣又從而四維之也王用

亨于西山

占也王筮得此爻而用之以祭享于西山也王謂九五西山岍隴諸山其尊者吳嶽在正

西兌方又地祇陰神也故兌之陰畫為西山拘係維之象陰之固結其志於陽也享西山之占陽之升達其誠於陰也

六畫俱九六為隨之蠱

經彖辭凡七字爻辭凡七十一字亨香兩切註從人才縱切下隨從同攬俱縛切舍私音捨昵寧的切妃音配學來金切擊之泣切綴真歲切岍音牽



巽下
艮上
五之七上之十
三陽泰變主初六

蠱

此義皇巽下艮上之卦而文王名之曰蠱蠱者事之

剛往居外而不復有為系來

元亨

占也有元德者治蠱則亨矣初六卦主柔

弱居下亦可謂元而能致亨乎曰初六才雖不足然當

蠱之初牽補支吾俾不至大壞以俟九三之君用事而

治蠱此亦初六之元而九三遂能致

利涉大川

占也蠱

亨於後者不可謂非初六之功也

可靜俟當往濟險難

先甲三日後甲三日

占也此筮日之占漢書武

紀元鼎五年詔曰先甲三日後甲三日丁酉拜況于郊

註云先甲三日辛也後甲三日丁也曲禮云內事用柔

日辛丁皆柔日也蠱之主爻初六為束方甲乙

故先後自甲而數初二三巽納辛二三四互兌納丁

欽定四庫全書

卷一

初六

初之畫得六為蠱之大畜

幹父之蠱

象也蠱之為卦父歿母老子幼女長之象也泰之乾

為父坤為母乾父自初往上成艮父歿而有少男也坤母自上來初成巽母老而傳家事於長女也又義兼取互卦故初六幹父之蠱者巽女也九二幹母之蠱者兌女也九三幹父之蠱者震男也六四裕父之蠱者艮男也家之二女二男巽女為長兌女次之震男又次之艮男最幼故其出而任事也有先後卦位之尊者五與上也五陰為母上陽為父上陽自乾往而居陰父之已亡者也五陰坤之中畫而居陽母之猶存者也幹者木之正身又為築牆之木文言傳云貞者事之幹也凡有智有力能成立其事謂之幹初六巽之下畫長女也為成卦之主乾父既往家事蠱壞震子未能任事有子考巽女最長而主其家故先出而當治蠱之任

无咎

占也言考者見父已亡也家之蠱豈巽女之柔弱所能辦必有震子陽剛之才然後足以補弊救敗

而考得 厲終吉

占也以柔弱處艱難危矣然姑少俟爾震子成人而能當家則終於吉也

九二

九居第二畫為蠱之艮

幹母之蠱

象也九二互兌之下畫少女也剛而得中女之能而

賢者與六五應六五坤體母也父歿母老震子未能承家巽女居長暫攝亡父所遺一家之事兌女居次專任寡母所治一身之事服勞不可貞占也女雖能且賢居奉養其母故曰幹母之蠱不可貞中奉母其職也不可

以正主事貞謂正主一家之事也以此坊民猶或有呂武兆晨之妖若初六之長女代長男蓋遭家之難權時之宜暫焉而已

於理則不可也

九三

九居第三畫為蠱之蒙

幹父之蠱

象也九三五震之下畫長子也以剛居剛而在巽體

有智有力而能權者也至下卦之終始出小有悔占也而任事才足以幹父之蠱者獨此爻而已

陰謂九三若變為柔則有悔矣蓋燕非剛強不能濟也

无大咎

占也大謂陽大咎謂以陽剛致過咎

也九三不變為陰柔但為陽剛則必无陽剛之咎

六四

六居第四畫為蠱之鼎

裕父之蠱

象也裕饒益也六四艮之下畫少男也年幼稱而才

柔弱不能拯救父之蠱但以祕處之

往見吝

占也僅可止而自守若往而有為則不勝其任而見吝也

六五

六居第五畫為蠱之巽

幹父之蠱

象也泰未變蠱則六五為坤之中畫泰已變蠱則六

五為艮之中畫故六五為母又為少男之依乎母者六四以陰居陰才既弱而志亦弱蓋艮男方稱未能如六五之時也故以无能而裕父之蠱六五以陰居陽才雖弱而志稍強蓋艮男漸長已勝於六四之時矣故亦有為而幹用譽占也六五柔剛適中善事其母而追孝其父父之蠱用譽以此用事雖未必有實功而可有虛名也

上九

上之輩得九為蠱之升

不事王侯高尚其事

象也少男長女為蠱蓋以象家

事之蠱壞諸爻皆以父母男女取義自初六至六五同一意也上九乃父之既死而以蠱事遺後人者然斯義也下五爻言之已詳故上一爻別發一義陽剛止於艮山之上賢人高舉遠遯之象夫蠱者必有事也仕於君者事其事賢人止而不仕則天子不得臣諸侯不得友而不事王侯之事矣王五也侯三也上九居與五比而不相遜位與三應而不相應故曰不事王侯凡處世間而有為者皆卑下之事唯出世間而無為者乃高出之事也尚上通上九在一卦至高至上之位故曰高尚下五爻肩肩於一家之事至此則一國之事天下之事猶且視為卑下而不屑為彼一家之事又何足道哉

六畫俱九六

為蠱之隨

經彖辭凡十五字爻辭凡六十二字先悉薦切後去聲註不復扶豆切而數所主切女長之兩

切少男詩照切下並同言傳直戀切見父賢遍切少侯如字奉養羊尚切坊音防之難乃旦切

咸殺沙界切群直二切不勝音升已勝去聲夫巽音扶



光下二之八上之十一
坤上（麟二陽辟主九二

臨此義皇光下坤上之卦而文王名之曰臨二陽長而消二陰夏至十二月之卦也臨者居上泄下之名二

陽浸長於下而陰居上元亨占也利貞占也占與乾之象臨之以俟其進也同乾之六陽自臨

之二陽而進也至于八月有凶占也自天正建子之月一陽始生為復其二建丑之月二陽長

而為臨其七建午之月一陰始生為始至其八建未之月則二陰長而為遯遯者臨之正對臨卦六畫變畫也

今日二陽之臨陽長而消陰也至于八月二陰之遯則陰長而消陽矣故其占為至于八月則有凶也

初九

為臨之師

咸臨

象也初二之陽長於下而四五之陰臨其上陽君也陰民也民

豈可以臨君也哉凡易於陽上陰下者以尊卑定分取義天地之否夫婦之恒是也陽下陰上者以往來交感取義天地之泰夫婦之咸是也咸交感之義艮男當居上而反居下兌女當居下而反居上所以為咸治世君民上下之志通亦若男女交感之咸咸之初二二陰升而下接於民則為臨之初九九二咸之初二二陰升而上達於君則為臨之六四六五此臨之初二二爻所以謂之咸臨初與四應咸之九四下降而為初九也

吉

也占

九二

為臨之復

咸臨

象也二與五應咸之九五下降而為九二也項氏曰初九九二

皆臨陰者也。以陽臨陰，反在陰下。有男下女之象，故皆為咸。夫之臨婦，其道如此。吉也。无不利。

占也

六三

為臨之泰

甘臨

象也。六三互坤之下，畫坤土味。甘，兌口柔說以言媚。人陰柔不

正下臨浸長之剛勢將逼已。无攸利。占也。柔說豈足以禦陽剛之進哉。雖

而甘言以媚說之，故曰甘臨。无攸利。占也。三雖臨二剛之上，而未離下。所利也。既憂之无咎。占也。三雖臨二剛之上，而未離下。

安於處，下不敢以賤臨貴，斂藏退避，以俟剛之上進，則可无咎。項氏曰：六三以甘媚臨而无攸利，見君子之難

說也。既憂之无咎，又見君子之易事也。其處已也嚴，故不受不正之媚。其與人也寬，故不治既憂之人。爻辭雖

為六三言之，然亦可。以見二陽之用心矣。

六四

六居第四畫至臨象也四五二爻皆以剛臨柔取

初之剛本居四自四而降以下接於初而初為九所謂

至臨也四之柔本居初自初而升以上連於四而四為

六此民情上達之象

无咎

占也六上達於四故无咎

六五

六居第五畫為臨之節

知臨

象也剛為智柔為愚五柔而智何也曰五非柔也剛也五之剛

下接乎二二之剛即五之剛也五剛下二是君之智下

燭民間也此堯之清問下民也所謂聰明睿智足以有

臨者故曰知臨然則六何以居五也曰六非五也二是

柔自二而上升于五五之柔乃二之柔也二柔升五是

民之情上達君所也

六君之宜吉

占也大者剛畫也君者五位也九五大君

也六五非大君也此六五而四大君明六五本是九五

也因五之九降二而二之六升五也六民也非君也六

而在五之位民之上達於君也民之得上達於君由君之能下逮乎民也君民一體上下志通大君之臨民宜如是故曰大君之宜所以吉也

上六

上之畫得六為臨之損

敦臨

象也敦厚也坤之上畫地之最厚處天高而覆物者以上臨下

也地厚而載物者以下承上非臨也上六陰柔居高臨下然以坤厚載物之德臨之以俟二陽之進而非敢以柔臨剛也在上而不以高自居厚之至吉也无咎也故曰敦臨此爻取義乃臨卦之正意也

六畫俱九六為臨之趣

經彖辭凡十二字爻辭凡四十八字知音智註浸長知兩切下同定分符問切彖說音曰下同未離來至切易事因利切雖為云偽切覆孚豆切



坤下
巽上



八之五上之十一
緯四陰辟主六四

觀盟而不薦

此義皇坤下巽上之卦而文王名之曰觀
四陰長盛消陽已過其非夏正八月之卦

也觀以目視物也二剛在上四陰在下仰觀之此四陰
消陽之卦聖人名卦但以下觀上取義卦名連彖辭與
履同人艮三卦同例舊以卦名自為司者非也象也盟
潔手也字從左右二手從水從皿以水沃手而以皿盛
其餘水也三四五互艮為手上一陽在手象沃手之
水下二陰在手象盛水之皿薦進也進祭物以獻神
也下體坤為牛象所薦之牲下之所觀莫大於敬上之所敬莫大
於祭盟者祭之始薦者祭之盛觀盟謂觀其盟也不薦謂不觀其
薦也敬之感人其應甚速觀祭者但觀於其初盟之時
不待觀於其既薦之後而已感應矣項氏曰相觀而化
其神如此先儒謂盟則誠意方專薦則誠意已
散仁人孝子之奉祀也豈皆至薦而誠散乎
有孚也

謂下四陰顯若占之象也顯仰首而望之貌下之觀上之孚也也一觀其初祭之敬而有孚者已斷若

矣謂其感應之神速也

初六初之畫得六為觀之益童觀象也觀艮之複體艮少男為童下之所觀觀九五中正之道也

初最下去五最遠如未有知識之童子而觀不能有所見也小人无咎占也項氏曰初六為下民

日用而不知則君子吝占也項氏曰君子而其常也故无咎不著不察則可羞矣

六二六居第二畫為觀之渙闕觀象也闕者窺門也三四互艮為門闕二在其內猶女子不能

出外在門內而窺觀門外其所見狹矣二與五應而陰柔不能見遠故如女子之闕觀初居陽象男童二居陰

象女利女貞占也朱子曰人夫得之則非所利矣

六三

六居第三畫為觀之漸

觀我生進退

象也凡彖辭爻辭稱我者皆謂彖之主爻蒙九

二為主爻彖辭匪我求童蒙我謂九二也凡息卦消卦十有二一陽一陰之卦初為主二陽二陰之卦二為主三陽三陰之卦三為主四陽四陰之卦四為主五陽五陰之卦五為主六陽六陰之卦上為主觀四陰之卦故六四為主爻我謂六四也生猶生之謂性之生謂其身之動作也六四巽之下畫巽為進退四陰進逼而消陽六四為之先初六六二遠弱未有凌陽之勢六三居下卦之上居剛而不中正與六四同惡者也然雖陰戚之時而陽剛中正之君在上六四逼近九五者方且臣順則六三豈能獨進故比於六四唯觀六四之動作而為進退爾六四進而凌逼則六三亦隨之而進六四退而臣順則六三亦隨之而退諸家或以九五為觀之主爻蓋擇其德位之盛者為主非通例也

六四

六居第四畫為觀之否

觀國之光

象也坤為國互艮有光象九五以陽剛臨坤土之上

國之光也六四入近君側下觀坤土之廣上近天子之光故曰觀國之光

利用賓于王

占也諸侯

朝貢于王曰賓六四變為剛則成乾乾為賓四陰勢盛進逼二陽幸九五能居故六四不敢不臣以強臣逼上之勢轉為諸侯朝王之象筮得此爻者利用之以賓于王也陰消陽之時而四當位得陰之正故有從順而无跋扈項氏曰履正故為賓使其不正則為敵矣國有光則賓无光可觀則敵當觀之時聖人懼焉

九五

九居第五畫為觀之剝

觀我生

象也我亦指六四而言陰盛消陽六四已進逼君側九五

不失君道則六四猶為臣九五一失君道則六四將不臣矣當此之時九五但觀六四之動作如何以驗吾君道之得失也

君子无咎

占也占本有咎君子得之則可无咎蓋君子御得其道而狙詐

危迫甚矣

作使若非君子則御失其道而狙詐作敵斯有咎矣九五以陽剛中正為下所觀而无吉占何也時則然也况又變而為剝乎

上九

上之畫得九為觀之比

觀其生

象也其指上九而言謂自觀其身之動作

君子无

咎

占也陰長陽危自觀一身之所為果合君子之道與則自處得宜而可免於咎若不合君子之道則自處

失宜有咎必矣故其占惟君子則无咎也項氏曰上在卦外无民无位小人之進退下民之向背皆不由已但謹視其身思自免咎而已觀本是小人逼君子之卦但以九五中正在上羣陰仰而觀之故聖人取之以為小人觀君子之象象雖如此勢實漸危故五上二爻皆曰君子无咎言君子方危能如五之居中履正上之謹身在道大而福小也

六畫俱九六為觀之大壯

經彖辭凡九字爻辭凡五十四字觀平聲篇內
並同鹽音管頤魚恭切闕苦規切註盛其盛水

時貞切朝音潮跋蒲末切扈音戶
狙七余切道與音余向背蒲貝切



震下
離上

○四之三上之十二緯
三陰否變主六二

噬嗑

此義皇震下離上之卦而文王名之曰噬嗑也
也嗑合也卦象頤口中虛而有一剛畫間隔於其

中頤口本合有物間之則不合矣故
必齧噬其中之間而後上下合也

亨占也梗而未合
則不亨噬而合

之則利用獄占也獄者有訟而拘囚於獄也離體中虛
亨矣獄之象六五柔中為卦主用於上以震動

於下治獄者也兩辭參差亦猶有梗於中而不合鞫問
而得其情則其辭一矣亦猶噬之而後合也故其占為

利於用之
以治獄

初九

初之畫得九為噬嗑之咎

屨校滅趾

象也彖辭之占利用獄故初上爻辭皆因用獄取象

屨謂著於其足如納屨然校械也滅沒也猶浸在水中沒而不見也震下畫為趾初剛橫亘於震足之下足械滅沒其趾之象足械之制周圍其脛而已下不及趾也今械木之廣既圍脛而遮掩又過其脛并不見脛下之趾也入獄之初未加鞫問恐其走逸亦械其足雖屨校而滅趾然其人非必有罪也特桎之使不得去爾鞫問无罪則釋其无咎占也在卦之初為初犯得位之正則械而縱之矣非有罪也鞫問明直而獲縱釋此人者足曾被械因是知所懲忘不復犯法故其占為无咎

六二

六居第二畫為噬嗑之睽

噬膚滅鼻

象也初上二爻既因彖辭用獄取象其中四爻並自

卦名噬嗑取象卦之全體象頤初上二剛象頤口上下斷齧有齒牙能噬者也其中四畫乃頤中虛而容物之

處故各象所噬之物二三五柔畫物之脆者四剛畫物之堅者二三五皆柔三五以柔居剛雖脆而堅二以柔居柔最為易噬膚者豕腹之下柔軟无骨之肉古禮別實於一鼎曰膚鼎二最易噬象膚又近初剛初為下頤之齧凡噬物下齧之動最有力以至近能噬之剛噬至柔易噬之物一舉盡嚙略无留難以至所噬之膚掩過噬者之鼻也坎為豕二在互坎下畫之下象豕腹向下之膚艮為鼻二當互艮之下畫鼻之下端也正與所噬之膚相直故有无咎占也噬嗑在於去間所噬者易噬是其間易去也故其占无咎

六三

六居第三畫為噬嗑之離

噬腊肉遇毒

象也腊肉正作昔上象肉之形下從日月之日

乾者也其後倣借為今昔之昔乃於左畔加肉以別之而為腊肉之腊非字之正也鼎實以兔之薨為腊鼎曰獵所獲野物或獸或禽全體乾之通謂之腊彼單稱為腊此言腊肉非指野物全體之乾者而言蓋六三六五

二柔畫爻辭並云肉謂无骨者也九四一剛畫爻辭不云肉而云肺謂有骨者也若以六三為全體帶骨之脂則與爻象不合六三互坎之下畫有離日在上豕肉受日之曠者肉者六之柔也脂之則柔亦堅矣位剛故也凡食物臭味之惡者為毒以上九之陽噬六三不中不正之陰故為遇毒小吝占也小者莖也上九陽剛為大上古神農嘗百草一日數遇毒而不為害者大智大力能勝其毒也若小者遇毒則不能堪而可无咎占也大者噬之雖遇毒而不害故无咎各矣

九四 為噬嗑之頤 噬乾肺得金矢

象也肺骨之連肉者在離體之內火所乾

也骨而又乾其堅至矣九之剛象之骨而連肉剛之居柔象之不期遇而遇曰得金矢鐵箭鏃也九之剛為金離為矢殺矢之金金三錫二金之雜錫亦猶骨之連肉皆九四以剛居柔之象也乾肺者九四也噬之者初九

也噬乾肺而乃於肺之中得金矢焉其堅又過於乾肺矣然金矢雖堅而可為用堅者為梗所以噬之不為梗而反為用則雖利艱貞占也宜以艱難吉占也艱貞故吉堅可不噬也利艱貞之心正主事也初九所噬者九四與六二也六二近而柔以其易噬也初九以易視之僅能无咎而已九四遠而堅以其難噬也初九以難處之所以吉也

六五噬嗑之无妄為噬乾肉得黃金象也六五互坎之

六三皆質柔而居剛象无骨之肉以乾而堅也六三在離日之下日所乾者故曰腊六五在離火之中火所乾者與九四同故曰乾黃者中央之色五居中故曰黃五變為剛故曰金凡單稱金者金銅銀錫皆金也唯曰黃金者為正色之金乾肉者六五也噬之者上九也噬乾肉而乃於肉之中得黃金焉其堅又過於乾肉矣黃金

雖堅然不為梗而可為用則雖堅可不噬也項氏曰四
五兩爻稱得金者下卦為間尚淺故用力易上卦為間
已大故用力難有噬有得者噬道將終必盡其慮也噬
者除其惡得者取其善有惡則去有善則取憎而知其
善也於九四則噬其乾肺之強而收其金矢之用於六
五則噬其乾肉之強而收其黃金之用聖人之待強梗
其仁貞厲占也上九位不當所噬雖无咎占也噬其梗
如此所用之貴貴故无咎近猶難故正主事則危厲

上九

上之畫得九為噬噬之震

何校滅耳

象也何負也謂負之於首也上畫為首剛畫在上首

械之象三四互坎為耳首械之制周圍其項上不及耳
今首械在坎耳之上是械之厚掩過其耳而耳不見也
居卦之終蓋問獄已成以其有罪凶占也剛不正而
而首何至厚之械罪不可解矣凶在終之時是終

為惡而受罪者也故凶噬嗑六爻分為二義初上兩爻於用獄起義蓋以六五為治獄之主初上為坐獄被校之人兩爻之占各指本爻而言初之无咎初九自无咎也上之凶者上九自凶二三四五於噬間起義初九上九為噬物之頭二三四五為頤中所噬之物兩爻之占皆指初上而言初比二而位應四噬二噬四者初九也六二之占无咎謂初九之无咎也九四之占利艱貞吉謂初九之利與吉也上比五而位應三噬三噬五者上九也六三之占小吝无咎謂上九之无咎也六五之占貞厲无咎謂上九之厲與无咎也雖噬者得之直據各爻之辭為占然聖人觀象繫辭之意則如此不可不知也

六重俱九六為噬嗑之井

經彖辭凡六字爻辭凡五十八字噬市制切嗑胡閭切屨紀具切校爻教切腊音昔乾音干腭

茲此切何何可切註醫五結切間居限切後並
同參七森切差七思切鞠恭曲切著足略切曾
泰登切忘音又復符后切斷魚斤切鰾魚各切
脆音翠易以歧切後同齋劣遠切別彼列切莖
苦老切嘆音漢數音
朔勝音升鑊子木切



離下
艮上
() 三之七上之十二
三陽泰變主六二
絳

賁

此義皇離下艮上之卦而文王名之曰賁賁文飾也
字從貝諧弁聲貝水蟲背有文如錦故為文飾之義

卦自泰變二之剛往上文外
二乘上之乘來下文內二剛亨
占也內卦文
明衆美之會
小利有攸

往

占也小謂陰也外卦剛止於上
四五二乘宜往上去求其文

初九

初之畫得九
為賁之艮

賁其趾

象也初畫在下為趾賁其趾
者腓屨之屬以飾其趾為行

計舍車而徒

象也二三四互坎為車徒步行也二之柔來飾初之剛初剛不受其飾而惟自飾

故舍二之車而自飾其趾以步行內飾於已而不資外飾於人剛正而明者能之

六二

六居第二畫為賁之大畜

賁其須

象也三四五上肖頤六二在頤下須之象須之美者生而

美也美由中出不假外飾六二柔麗乎中正固有其美如須之賁非有待於外物而賁者然陰柔不能自動必附麗於陽如須雖有美必附麗於頤也六二卦之主也以一柔來文下卦之二剛初九自賁而不受六二之賁矣六二既自賁又附麗於九三而為九三之賁也

九三

九居第三畫為賁之頤

賁如濡如

象也九三者互坎之中畫坎水有濡象猶詩言六轡

如濡謂所飾之文采鮮澤也處文明之極一剛在二柔之間錯雜成文故賁如又六二之柔飾之於下賁之最

盛者也
故濡如

永貞吉

占也得二之飾而不溺於
二長永正主其事則吉也

六四

六居第四畫
為賁之離

賁如皤如

象也九三居文明之極六
四有輝光之懿二爻當上

下剛柔相雜之際故皆曰賁如賁之成卦以六二自外
來而文二剛上九自內往而文二柔也九三與六二比

近而得其賁故濡如六四與上九隔遠
而不得其賁故皤如言白而未受采也白馬翰如象也
震馬之中畫坎馬之上畫變為剛則成巽為白翰如言
其走之疾如羽翰也六四弗得上九文柔之賁故疾走

以就正應而求
賁於初九之陽

匪寇婚媾

象也四與初正應然初九孤
潔自守近不昵二遠不交四

二比爻也不就之者義也四應爻也就之者正也初不
昵二而并疑四因六四之下求初九之疑始釋而知六

四非寇也乃已之婚
媾也象同屯六二

六五

六居第五畫為賁之家人

賁于丘園

象也六五柔中艮體有德之賢止而不仕者也艮之

中畫山之半也為丘園丘之有草木者互震草也體艮木也丘園賢者隱處之地上一剛為二柔之君賁二柔者也六四隔遠不受其賁所賁者六五而已以上九賁六五為上之人禮聘賢者恩光下逮賁于丘園之象

束帛戔戔

象也五兩為束坤為帛而坤之上畫連束之於外之象交戔戔委積貌多也賢者隱處而受

聘幣之禮其光顯榮輝被于丘園如伊尹耕于有莘之野而湯以幣聘之也

吝

占也柔雖得中而不當位

故終吉

占也受君賜之榮故終吉

上九

上之畫得九為賁之明夷

白賁

象也賁自泰變者也泰之九二升在上而文二柔泰之上六降

在下而文二剛然初九不肯受二之賁受二之賁者惟九三一剛六四不能受上之賁受上之賁者惟六五一

彖濡如之賁丘園之賁虛文之飾爾有之不為甚益无
之不為大損二爻成賁之功亦淺鮮矣賁極當變變而
復于泰則善不變而受之剝則壞矣文窮反質賁復為
泰以還其初上九復于二六二復于上則三剛三柔皆
守其質而不相文所謂白也泰二三四五兌為白故曰
白賁於卦終總言賁極而反質白者通全卦而言非專
指上九一
无咎 占也文極必弊復反于質
爻言也 則不至于弊矣故无咎

六畫俱九六
為賁之困

經彖辭凡七字爻辭凡五十四字賁彼偏切舍
音捨蟠白波切又音槃翰雄干切愛在干切又
音殿註貝必佩切扉扶味切鮮澤音
仙錯干各切昵女力切淺鮮雖典切



坤下
艮上



八之七上之十二
緯五陰辟主六五

剥

此義皇坤下艮上之卦而文王名之曰剥五陰長盛

消陽將盡夏正九月之卦也剥者以刀割削而去之

也五陰消

不利有攸往

占也以卦體而言則陰長已至

盡五陽也

五僅存一陽再往則并一陽消

之矣故不宜有往以占者而言則小人極盛之時當順時而止不可以有所往也

初六

初之畫得六

剥牀以足

象也陰之剥陽自五月一

陰消二陽而為遯七月三陰消三陽而為否八月四

陰消四陽而為觀九月五陰消五陽而為剝剝之初六

即始之初六也故此以姤之初六言之始之初六下耦

承上奇牀之象初為牀之足陰消陽自下始五月始之

一陰始消一陽於下猶

蔑貞凶

占也陸氏曰蔑猶削也

剝牀而先及其足也

當小人削蔑君子之時正主事則凶也

楚俗有削蔑之言證謂

六二

六居第二畫為剝之蒙

剝牀以辨

象也剝之六二即遯之六二也此以遯之六二言之

辨牀之幹也中畫象之剝陽至下卦之中畫猶自牀足而上剝至于幹也

蔑貞凶

占也與初六同

六三

六居第三畫為剝之艮

剝之

象也剝之猶比卦言比之損卦言損之益卦言益之小過卦言

過之也之指陽而言剝之六三即否之六三也此以否之六三言之謂剝陽已及三也三牀之上也不言剝牀而汎言剝之其辭比初六六二六四差緩也剝陽及三者垂陰長之勢至此非專三之罪三雖居剝陽之位而獨與上九一陽為應則无害陽之心故聖人繫爻特異其辭以別於初二四之三陰也

无咎

占也程子

曰衆陰剝陽之時三獨居剛應剛志從於正在剝之時為无咎也

六四

六居第四畫為剝之晉

剝牀以膚

象也剝之六四即觀之六四也此以觀之六四言之

言剥陽已至于四也四在人為身之位膚者身之皮膚也初為牀足二為牀辨三為牀上人所以臥處四人之身

也非牀也非牀而曰剥牀以膚凶占也災已言剥牀而上及於人之肌膚也反身矣

六五

六居第五畫為剥之觀

貫魚

象也六五變為剛則成巽巽下之柔為魚一柔之下又有三柔

羣魚之象也五變為剛畫連亘其上貫穿之象也魚陰物五羣陰之主在上統率羣陰如貫穿羣魚而為一也

以宮人寵

象也以者將之也宮人眾妾也以之者誰后也后為宮人之主五統羣陰如后統眾妾眾

陰戴陽如后以眾妾進御於王而獲寵愛之象陰長消陽至於五極矣不可以再長也一陽在上非可剥者故取羣陰順承一陽為義六三應上九而寧失羣陰之心六五比上九而率羣陰以求一陽之寵一陽之功大矣天道之不可一日无陽世道之不可一日无君子者此也項氏曰六五君位五為王后與君同處四為夫人佐后

者也三為九嬪以主九御下卦
之長也二為世婦初為御妻
无不利 占也程子曰五

如貫魚然獲寵愛於在上之
陽如宮人則无所不利也

上九 上之畫得九
為剝之坤 碩果 象也艮為果
蒺藜謂中下二柔上九艮之上畫

故為米碩謂 不食 象也卦无兌口故不食下五陽皆已
陽之大也 剝獨存一陽在上如木之米實皆已

落獨一碩大之果不為人所食而猶在木末論語云吾
豈飽瓜也哉焉能繫而不食亦飽瓜不為人所取食而

常繫於 君子得輿 占之象也君子謂一陽坤為輿五陰
蔓也 承戴上九之一陽如人之在車上君

子筮得此爻則其象 小人剥廬 占之象也小人謂上九
為得輿而占亦如之 變為鼎也一陽上覆五

陰有廬之象奇變為耦則如廬之破壞穿漏其上而无
以蓋覆其下故小人筮得此爻則其象為剥廬而占亦

如之也

六畫俱六九

為剝之火

經彖辭凡六字爻辭凡五十六字蔑莫結切辨
平免切註去之起呂切下同長之兩切別彼列

切蘇李果切

覆孚豆切



震下 四之八上之十三
坤上 緯一陽辟主初九

復此義皇震下坤上之卦而文王名之曰復一陽初生
於地下而消一陰夏至十一月之卦也復還反也冬

至之前六陽消盡而為純坤冬 亨 占也陽
至之後一陽還反而生于下也 復則亨 出入无疾 占也

凡一陽之卦皆自復而變无有自他卦變為復者此取
復所變之卦再還復未變之時為義師自復而變者也

師之初還復于二為出師之二還復于初朋來无咎也

為入莖者占之或出外或入內皆可无疾

一陽既生日進日盛又取臨泰大壯夬所變之卦還復

未變之時為義明夷自臨而變者也明夷之三還復來

二則為二陽之臨歸妹自泰而變者也歸妹之四還復

來三則為三陽之泰需自大壯而變者也需之五還復

來四則為四陽之大壯大有自夬而變者也大有之上

還復來五則為五陽之夬此陽之朋類次第而來也莖

者占之已之或出或入既无疾反復其道七日來復也

而朋類自然來至者亦无咎也

自五月一陰生至十一月一陽生凡歷七月莖者占之

出外而反者還復其初所行之道路則七日可以來至

於家而復也道者震為大塗七震之數也利有攸往占也陽之長貴乎日進

初九初之畫得九不遠復象也師卦自復而變初九自

為復之坤師之九二還反於初出外不

速而過復者也

无祗悔

占也祗適也抵也猶云至也字從衣從

示程子曰无祗悔不至於悔也

復者陽反來復也陽君

子之道故復為反善之義失而後有復不失則何復之

有唯失之不速而

元吉

占也常人筮得之固无至於悔

復則不至於悔也

六二

六居第二畫為復之臨

休復

象也人於勞暵之時得休木之

否之九五中正大人在下者依其莖蔭以休息於否

將變之時故曰休否初九一陽之復勢孤援寡六二中

正與初九比近為朋初九在下依其莖蔭相與休息六

二變而為剛同初之復故曰休復否五復二皆卦之中

也否有巽木復有震之竹吉占也陽剛浸長相與休息

與萑葦為比蔭可休之處吉同其吉也或曰凡占辭特

為占者設爾然聖人繫辭之意則有定指此吉字指六
二乎指初九乎曰六二能比初九依之以息六二之吉
也而初九
與有焉

六三

六居第三畫

頻復

象也

頻水厓也六三變為剛二

為復之明夷三四成坎三下卦之終如岸之盡

處瀕乎水也行至水厓不可
以進而後復復之不早者也

厲

占也阻水不能進故厲

无咎

占也能復

故亦无咎也

六四

六居第四畫為復之震

中行獨復

象也行者路也震為大塗卦之五陰二三近陽五上

遠陽四居遠近之中猶路之半也故曰中行五陰唯四
與初陽為應四變為陽則與初九同是震體下畫之一
陽獨能與初九一陽之
復同者也故曰獨復

六五

六居第五畫為復之屯

敦復

象也三四互坤五為坤上畫坤土最厚之處敦之象敦者篤

厚靜重而若遲鈍亦復而不速之意

无悔

占也由初至五五畫之復六五最後復雖不速然柔順得中故

无悔

上六

上之畫得六為復之頤

迷復

象也迷者冥行失其正道也上六一卦之終猶迷塗至極盡之

處也迷行至終乃求還反晚矣梁武帝之迷至侯景兵入臺城而國復唐明皇之迷至安祿山陷洛陽而國復當是時也雖復竟何如哉舊註皆謂上六終迷不復案爻辭言迷復註謂迷而不復似與經竟相戾始也南行今回轅向北始也北行今旋而向南是之謂復楚辭云迴朕車以復路兮及行迷之未遠復字從卦爻之義皆以行取喻初曰不速者行出未遠而復二曰休者休息於塗而復三曰頻者行至水涯而復四曰中行者行

至中道而復五曰救者救萬緩行而復上曰迷者迷行至終而復行而迷失正道者其終之復亦是循其故道而復然其故道非正道也往復皆迷展轉錯誤不可專以能復為善不由其道而復者雖復亦不善也上為冥昧之位六為衆凶占也如梁武帝有災眚占也占既曰暗之質故迷凶唐明皇是也

有災眚何也迷復有輕重大小大也其重者大者則凶輕者小者亦有災眚災謂禍災眚謂過眚災自外至而由已所致眚自內有而非已所致也眚災者非已所致而為災書帝典王誥言眚災是也災眚者由已所致而為眚此復之上六及小過用行師終有大敗占也上二占之上六言災眚是也

占專以行師一事言師卦由復而變一陽統坤衆也行亦取震塗之象大謂上六變為陽也復之六五不取君義上六位最高變為陽而下臨坤衆有君象焉但常時所行既失君道民心之去久矣一旦用其民民豈為之

用哉故其君必至於敗是之謂大敗如商以師敵周而前徒倒戈衛以師禦狄而受甲兵者曰余焉能戰商紂衛懿卒以其國君凶占也以如春秋蔡侯以吳子及楚以敗亡人戰于柏舉之以上行師者自主兵也此言以其國君者不自主兵出兵助人如為人所以也國君亦指上六下有坤土為國變為剛而居上曰君以者他人以之初九一陽為主于內者君也上六變為陽而統衆于外又一君也故有內國君以其外國君之象凶如鄭國君王世充以夏國君竇建德拒唐師而建德并為太宗所禽也至于十年不

克征

占也行師一事分為三占既言為己為人兩皆凶敗矣又言自己不興師亦不為人興師幸可免目

前之凶敗然民心離貳國勢削弱久而至于十年之後亦不能出征也十坤數案周易雖用爻之變為占而爻辭多只就不變取義其取變者間見耳復之六爻惟初九一陽為已復者故爻義以不變者言其餘五陰乃未

復者而爻辭各有復字皆取爻之變者言也蓋不變為陽則不可謂之復矣

六畫俱九六為復之始

經彖辭凡二十二字爻辭凡五十九字祇音支註長盛知兩切下同喝音謁間見居限切



震下上 四之一上之十四 緯 二陰遯變主初九

无妄

此義皇震下乾上之卦而文王名之曰无妄无妄者誠也有天理之真實无人欲之虛偽凡陽剛象

天理之誠陰柔象人欲之妄卦自遯變遯三來初以元陽剛之正易去陰柔之不正為去妄存誠之義故曰无妄

亨

占利貞 故其占與乾卦同 天

其匪正

目下二占无妄者无私心而又

合正理也雖无私心苟不合正理亦是妄也其所為非正理則其占如下之所云

有眚

占也匪正則有

過尤不利有攸往

占也匪正而不往且
有肯往則是妄動也

初九

初之畫得九
為无妄之否

无妄往吉

占也陽剛當位而无應得
正理而无私心也為无妄

之主當震動之初无
妄而往者也故吉

六二

六居第二畫
為无妄之履

不耕穫不菑畲則利有攸往

占也耕
穫菑畲

占之象也春而治田曰耕秋而收禾曰穫初墾荒田曰
菑三歲熟田曰畲不耕穫謂不耕而穫不菑畲謂不菑
而畲夫有耕然後有穫有菑然後有畲不耕而穫不菑
而畲者何也在先无求之之心而在後有得之之實也
此所謂无妄也无妄史記作无望謂无所期望而有得
蓋亦此意夫陽剛之實為无妄二雖中正然質柔非剛
而又有應非剛則未能實也有應則未能无私也是未
能純乎无妄之道也有攸往者往應五也往應五者求

陽剛之實以益已也得剛實以益已雖為正事而求之
之心猶為私心也必也先絕其有求之心所謂不耕不
菑也後自獲其有實之益所謂穫畲也言能如此則所
住乃為无妄也有應之私易至害于无妄之道故爻辭
為之戒蓋氏集義養氣之學不願菑以助長而氣自无
餒蓋如此也震艮耕象乾金穫象二地上為田菑畲之
象

六三

无妄之災

占也

為有災而其災非由已

致朱子曰卦之六爻皆无妄者也澄案无妄之善有三
剛也當位也无應也剛者實也當位者正也无應者无
私累也諸爻或有其三或有其二或有其一初九三者
全其最善也九五九四有其二九五剛而中正九四剛
而无應是其次也六二上九有其一六二中正上九剛
實是又其次也唯六三於三者歲无焉而亦得為无妄

何也下比中正之六二上比剛實无私之九四譬如有人在己雖无一善而上有嚴師下有良友親近切磨夾持熏染亦不至於為惡此六三之所以亦得為无妄也項氏曰六三所遇之災非人為也故為无妄之災廬陵楊氏曰我求而我得者有妄之災或繫之牛行人之得邑災非我求而我得者无妄之災

人之災

象也設此象以明上占辭如或繫一牛於此乃邑人之牛也偶脫所繫而為行人所得邑人有

失牛之災亦適然不幸爾非已有以致之是謂无妄之災因卦變取象无妄自遯變遯下卦艮也坤為牛艮以一陽交坤上畫為坤之君坤牛艮之所有也一奇實坤上畫之畫如有物以繫牛之前也此以遯之九三未變為无妄之六三而言也及遯之既變為无妄也三下易初成震則震之一陽為坤之君而坤牛為震之所有矣震動于大塗行人也初非人位而曰行人者初自三之人位來也震遂有坤行人得牛也无妄六三坤上畫也

坤為邑三人位邑人也巳所有之牛為他人所得失牛者災也六三之遇此災莫之致而至也廬陵楊氏謂牛繫於斯塗之人取去牛主訟邑居者而已朱子亦謂行人牽牛以去而居者遭捕詰之擾考之爻象无此義

九四

九居第四畫為无妄之益

可貞

占也九四乾體剛實无應故可

者宜也可

无咎

占也居不當位當有咎也

九五

九居第五畫為无妄之噬嗑

无妄之疾

占也筮得此爻者其占為有疾而其疾非由巳

致九五剛健中正可謂无妄矣而下有應故曰疾疾者以外物之應能為內心之病也然有有妄之疾有有妄之疾常人之於應物外物一接而已心從之此有妄之疾也聖人之於應物其心湛然如明鏡止水物來則照物去不留動而无動雖應未嘗應也是之謂无妄之疾勿藥

勿藥

占之戒辭也有妄之疾必須用藥治療无

妄之疾慎勿用藥治療也外物之紛至任其自來自去勿藥者也若或厭惡而以術屏絕之是用藥以治療也非徒无益而又有害告子之冥然罔思悍然力制以為不動心釋氏之息滅人倫遺棄世故以為不住相犯多藥之戒有喜占也疾去曰有喜不治療而其疾自去不屏外物而外物自不能為累也

上九為无妄之隨无妄行有青初九然亦无妄者也初九以无妄而往則吉上九以无妄而行則有青何也時位不同也无妄之有往也何所為而往也豈為濟其欲哉蓋為進其善也進善者如登可上不可下也初九之位猶下時之初也其往也進而升于上也上九之位已極時之終也前无可往之地矣唯有退而降於下爾初九言往者謂其進前也上九言行者謂其在塗也既不進而上則必退而下以就所應之六三六三震體故曰行夫无妄之德動而健未嘗禁其行也但上九時位已

至窮極故不可以有行靜守而終焉可也。大抵无妄六爻下三爻以動為善，初九往則吉，六二如是而往則利。六三居而有災，上三爻以靜為善，九四可貞。无攸利也。而无咎，九五勿藥而有喜，上九行而有眚也。

於已既有眚於事亦无所宜也。

三畫俱九六為无妄之升

經彖辭凡十六字，爻辭凡六十二字，舊則斯切。註去妄起，吕切。夫有音扶，後夫陽夫无同。易至以鼓切，握一戛切，助長知兩切，饒年猥切，厭伊欠惡烏路切，佳相息亮切，屏必令切，累郎遂切。所為為濟為，並云偽切。



乾下（一）一之七上之十四緯
艮上（四）陽大壯變主上九

大畜

此義皇乾下艮上之卦而文王名之曰大畜大謂陽也畜者藏也亦有止義一陰畜藏於五陽之中

為小畜一陽畜止於二陰之上而三陽畜藏於二陰之內故為大畜陽固為大聖人名卦於陽之多者特以大名五陽為大有四陽為利貞占也一陽在上為畜止不

大畜大壯大過是也

利貞

占也一陽在上為主事也

不

家食吉

占也陽剛之畜象賢人之聚賢人衆多則當食君之祿而不食于家也家人二五易位成大畜

大畜與家人易位不在家也兌口在四食於外也

利涉大川

占也三四五上有舟象乾健應五上

進有舟行而前之象

初九

初之畫得九為大畜之蠱

有厲

占也程子曰大畜艮止乾也故乾三爻皆被止在他卦則正應

相援者也在大畜則正應乃為相止陽上進之物上與三皆陽故同志而无相止之義初陽剛健體居下必上

進六四在上止已安能敵在上得
利已占也已止也程
位之勢若犯之而進則有危厲
也不進也

九二九居第二畫輿說輶象也與下伏兔為輶一三四
為大畜之賁輿說輶五兌坎與而毀其下畫是說
去輿下之輶也九二當輿輶之處而其輶脫去故其輿
不行也程子曰二為六五所止勢不可進五據在上之
勢豈可犯也二雖剛健之體然其處得中道故進止元
失雖志于進度其勢之不可則止而不行如輿說去其
也輶

九三九居第三畫良馬逐象也乾為良馬乾之三陽在
為大畜之損良馬逐下為艮之二柔所止而未可
以進九三處下體之上漸可進矣健體之極
如良馬之馳逐然逐謂追躡於艮之後也
利艱貞占也

良馬雖可以進然二乘止之於前其進甚難之日閑輿

衛

象也三四五上肖離為日閑習也古者乘車三人在車上步卒七十二人在車下輿之衛也當艱難之時

未可輕易而進且當每日閑習其輿之衛以為行之備

九三變為柔三四五成坤為輿初二其衛也言九三當

與二陽同心協力无日不訓利有攸往占也四止初五

不可往獨上九與九三同德同位既不止之而又援之以進況九三儆備周完則宜有所往矣

六四

六居第四畫為大畜之火有

童牛之牯

象也內乾之健為外艮所止止乾陽者艮二陰

也然二陰歸功於上九之一陽蓋艮由上一陽而成卦

所以止也彖傳所謂剛上而上賢能止健是取此義夫

牛之角豕之牙皆剛物之在前者艮上畫一剛象之上

九一剛畫在四五之前四之視上猶牛首之有牯五之

視上猶豕首之有牙四為童牛上為牯五為豮豕上為
牙也牯者設橫木於牛角以止觸所謂橫衡也六四艮
之下畫即坤之下畫也坤為牛艮為男之少牛之童豮
者童牛未有角之牛也坤牛而連其上畫設橫木於牛
首之象童牛无角故上
畫之剛不象角而象牯
元吉
所以為
元吉
以止健之功歸上九占之

六五

六居第五畫為大畜之小畜

豮豕之牙

象也豕去勢為豮坎為
豕坎五上相見成艮坎

中畫之剛易為柔是剝去其中之實豕之豮者也坎上
畫之柔易為剛是已豮之豕而有牡牙之剛在外也六
五之中虛象豮豕上九之外剛象牙六
五之柔能以剛為主故曰豮豕之牙
吉
為主故吉也
上九
上之畫得九
為大畜之泰
何天之衢
象也何與噬嗑上九何校
之何同後漢王延壽魯靈

光殿賦云荷天衢以元亨何作荷以人一身而言上為
首何謂以首戴之也天之衢雲霄之上四通八達之路
无所障礙之處也何天之衢其辭猶詩言何天之休何
天之龍其意猶莊子言鵬之背負青天而飛于九萬里
之上也大畜者一陽止於外而三陽畜藏於內畜極則
散止極則行故上九雖艮體至畜之終則不止而行也
蓋初九九二之進為四五二柔所阻上九與九三同德
其位相應不阻其進而引之使前九三得超二陰以達
於上九上九天上之衢九三進造其下如何之以首通
行乎雲霄之路而莫之障礙矣項氏曰初九為六四所
止九二為六五所止九三與上九相合健極而進前有
二陰尚當艱貞而防衛既越二陰而至於上九則乾道
通行无復疑阻矣上九在上
亨占也陽剛之道得行而
而導乾以行故為天之衢

六畫俱九六
為大畜之萃

經彖辭凡十二字文辭凡四十八字利已夷止切說吐活切輓音服日舊本作曰鄭虞皆作日

晁氏曰陸希聲謂當作日程朱並從之牯古毒切續符云切何河可切衢其俱切註度待洛切

易心以鼓切輕易同卒尊率切彖傳馳繼切夫牛音扶福音福少詩詔切續序篤切去勢起呂

切下同剗音枯荷河可切之處充註切龍陳隴切造七到切元復符后切



震下八純坎變主上九

頤此義皇震下艮上之卦而文王名之曰頤頤者人之頤頤凡飲食皆自頤而入所以養人之身故頤有養

義程子曰上艮下震上下二陽中含四陰止下動外實中虛頤頤之象也貞吉占觀頤象

卦自坎而變先以二易上成觀再以五易初成頤故取觀為象觀者下觀上也初九下頤也上九上頤也初九

觀上九之頤謂觀其養人之道也
上九頤之主爻故得專頤之名
自求口實象也自自

口實食物之實於口中者坎之初六其畫耦如口之虛
剛畫自五來實之口實之象初九先觀上九之頤又自

求所以實口之物謂求其自養之道也觀頤以坎之
一上相易取象自求口實以坎之五初相易取象

初九為頤之制
舍爾靈龜觀我朵頤象也爾謂初我

九陽體靈龜喻其明智龜能咽息不食可以不求養於
外項氏曰頤卦肖離為龜靈龜伏息而在下初九象之

朵頤在上而下垂上九象之卦唯有二陽上九在上為
所養之主初九在下為自養之賢上九卦主故稱我羣

陰從我而求養固其所也初九本无所求乃亦仰而觀
我聖人以其居養之初故深戒之以明自養之道澄案

此爻辭與象辭觀頤自求口實相表裏皆初九觀上九
也象為初九言之則言初九既觀上九之養人者而又

自求其養已者又為上九言之則言上九謂初九舍爾
之養已者而觀我之養人者蓋陽實能自養而養人陰
虛不能自養而資養於人頤之二陽能養者也四陰受
陽者也上九居上當養人之任故為衆垂向下之頤以
養在下之羣陰初九處下不當養人之任故為靈智自
養之龜而无求於外然卦有觀之象初雖下伏而猶上
觀是焚上九之能養其下而不无舍己為人凶占也項
之意也與素其位而行不願乎其外者異矣凶氏曰有
靈而不自貴
宜其凶也

六二

六居第二畫
為頤之損

頤頤

象也卦中四陰皆資初上二陽
之養頤者頤頤倒而在下謂求

養於初也程子曰以上養下理之正也二不
能自養反下求於初則為頤倒故曰頤頤

拂經于丘

頤象也拂謂舉手摩拭其上如引袖拂天星階前拂
雲之拂經過也歷也丘謂六五五艮山之中畫為丘

欽定四庫全書

卷一

經于丘如陶淵明言崎嶇而經丘也六二比初而求下之養固為顛倒若欲拂上而求上之養則上非其應必須經從六五之丘而後可至九之顛六五雖為六二所應之位然亦資養於上九何能為人求養也哉六二拂上則必經于丘以求

征凶

占也下比於初可資其

養行而求上則凶也

六三

六居第三其

拂顛

象也六三與上九應拂

貞凶

占也

上九之所養者養賢也六三亦受上九之養然陰柔不中正不賢而竊祿者也所養之人如此何所用哉以之正主事則凶矣如使鯀治水而積

十年勿用

占也用謂

弗成使管叔監殷而以殷畔是也

有為也十年數之極成以十年勿用

元攸利

占也六三

則終不可用矣三四五互坤十坤數

凶再曰十年勿用者言非但今時之凶雖後時亦不可用也又曰无攸利者言非但此事之凶雖他事亦无所利也

六四

六居第四畫顛顛象也六四與初九應顛

吉

陰占也

不能自養而求養于在下之正應如在上之人才有不足而求益於在下大賢以養其德者程子曰四賴初之道而使在下之賢由已以行其虎視眈眈其欲逐逐象也道而澤施於民何吉如之

龜又象虎龜者以其介甲之外堅虎者以其文明之外著夫自養於內者莫如龜求養於外者莫如虎故頤之初九六四取二物為象視亦離目之象也虎視常下眈眈專一貌逐逐相繼也四之於初其下賢求益之心必如虎之視下求食而後可其視下也專一而不他其欲食也繼續而不歇如是則於人不貳於己不自足乃得居上求无咎占也其占雖吉然苟下賢之心不專則賢下之道无咎者不樂告以善矣求益之心不繼則未少有得而止矣朱子曰視眈眈下而專也欲逐逐求而繼也能如是則无咎

六五

為頤之益

畫

拂

經象

也拂

經謂

拂上

求養者

之所

下

求養於上九者皆必經從乎五而後至於上也衆頤與

噬嗑卦體相似噬嗑以上下二爻噬中四爻頤以上下

二爻養中四爻各以所比所應之爻而為受噬受養者

噬嗑則初九噬二噬四上九噬五噬三頤則初九養二

養四上九養五養三倒首在下曰顛引手摩上曰拂六

二六四皆資養於下故以顛為象六五六三皆資養於

上故以居貞吉占也六五陰柔才弱資養于上靜處而

拂為象居貞吉正主事則吉朱子曰居貞吉如洪範用

靜吉用作凶六五賴上不可涉大川占也卦之六畫有

九之養故守常則吉

九五降為頤之初九坎之初六升為頤之

六五強者退後弱者進前故不可涉大川

上九為頤之畫得九

由頤

象也一陽在上諸陰皆由之以

養內有震之大塗外有艮之徑

路人所由以求養
於上者故曰由頤
厲占也居至高而求
吉占也上能兼

鄭氏剛中曰頤卦上三爻皆吉
其止也下三爻皆凶惡其動也
利涉大川占也坎之

頤之上九坎之上六降為頤之六三
頤者進前弱者退後故利涉大川

六畫俱九六
為頤之大過

經彖辭凡九字爻辭凡七十二字
勿切舊音符勿切者非晚東南切註
頤戶感切

為初為上云偽切夫自音
扶樂告音洛惡其為路切



巽下
兌上
五之二上之十六
純離變主上六

大過
此義皇巽下兌上之卦而文王名之曰大過
陽也過者不及之對行而踰越其處謂之過未至

其處謂之不及卦有六畫陰陽各三則為均平此卦陽畫四陰畫二陰半於陽小者不及也陽倍於陰大者過也故為棟橈象也棟屋之脊標橈弱而曲也卦自離而大過變先以二易上而成大壯再以五易初而成大過大壯下四象有棟象而大過所取棟橈之象又不與大壯同大過下卦巽木也上卦二陽皆巽木之身上陰則巽木之末也通六畫象一木以此木為屋之棟中四陽象木身之強初上二陰象木末木之弱屋棟居中衆材幅湊木身雖強然棟之所任者重苟本末皆弱則亦不免於曲橈也大過陽之過盛也有棟橈之象何也中有四陽之強而上下猶有二陰之弱也聖人崇陽之意多以其未能如純乾之六陽故大者雖過而棟猶橈蓋猶有所利有攸往占也陽雖盛而不自亨占也

不足以往故可以亨

初六

初之畫得六為大過之夬

藉用白茅

象也藉祭藉也占者祭祀縮酌沃灌薦牲薦黍稷皆

藉以茅巽為白又為茅初柔在下而承剛如白茅藉物之象陽之勢過盛故陰之承陽其謹敬亦過於常時譬之祭物措之於地亦可矣而必藉之以茅謹敬之至也

无咎

占也以卑弱之陰畏強盛之陽能過於慎

所以无咎

九二

九居第二畫為大過之咸

枯楊生稊

象也楊易生而先榮咸陽氣之盛者巽木之中上二

畫皆重陽楊之象也稊根上再生稊芽也二剛居中而變為柔楊枯而空其中之象根雖枯而下有初柔如根之生

老夫得其女妻

象也三四五互乾五乾夫之終為老夫九二變為柔與九五應二三

四成巽二巽女之初為女妻楊根生稊長而為稊楊如老夫娶女妻猶能生育也

无不利

占也

九三

九居第三畫

棟橈

象也通六畫象一木為一棟以東西雷之屋譬之棟之兩端指

南北初六木之本也指北而在後上六木之末也指南而在前三四木之中身也以木末之弱故當中身之處任重而曲橈此一卦之象也故彖辭云棟橈爻之三四皆當橈處故九三爻辭取象與彖辭同九四亦當橈處乃不曰橈而曰隆何也此又因兩爻之義有不同而異其象以寓教戒也夫棟之橈者別用短木培補其橈處則可以取平而不橈矣九二九五不當屋中故不橈以剛之過而裁減就中二五所裁減之餘可以資三四培補之用亦木工用材之法也九三以剛居剛强悍不受人益故九二之培補无所施而橈者自若九四以剛居柔謙抑能受人益故九五之培補自外來而棟之橈者隆然以起大概陽過之時惡剛之居剛者惡其自恃也喜剛之居柔者喜占也棟而橈焉則屋之他材輻湊其有以相濟也凶於棟者不得其宜矣所以凶也

九四

為九居第四畫棟隆

象也以剛居柔不自滿假能受益者也資九五之所餘以培補

其橈處故棟之橈也

吉

占也當橈之處能受人之益而隆焉所以吉也

有他吝

占也

者隆起而不橈也

應初之

矣若又係初之應則吝也蓋四宜上資五之剛不宜下

九五

為九居第五畫枯楊生華

象也五剛居中而變為柔楊枯而空其中之象中已

枯而上有一柔如枝上生華也九二之陽臨之二也臨二陽建丑之月為楊根生梯之時九五之陽失之五也

夫五陽建辰之月老婦得其士夫

象也二三四五乾二乾夫之初士夫也九

五變為柔與九二應三四成兌五兌女之終老婦也老婦雖嫁士夫亦不能生育如楊枝之上生華非久即

乎陽者過其常度初柔居下而得其所故其仰承也謹而又謹上柔居高而不自安故其下行也卑而又卑如行過涉水愈趨愈下以至地也凶占也過涉而減卑水深之處滅沒其頂也

過卑以下於陽於義則无咎也

六畫俱九六為大過之頤

經彖辭凡九字爻辭凡六十一字橈乃教切藉在夜切穉徒稽切華古花字呼瓜切註處昌據切標力錦切易生以鼓切長而知兩切後同夫棟音扶惡鳥路切少詩詔切下同



坎下六之六上之十七經坎上八純中男主九五

習坎

此義皇坎下坎上之卦而文王名之曰習坎朱子曰習重習也坎險陷也陽陷陰中象水澄淅坎之

錄定四庫全書

卷一

卦體乾中畫交坤上下二畫乾畫天一之水也坤畫兩岸之土也坤地陷下而水流其中岸高水深故為陷為險水由地中行者為坎非泉穴初出之水非平地散漫之水非沮澤鍾聚之水也習坎者二坎相重陷而又陷險而又險者也項氏曰重卦之序坎在六子之先故加習字以起後例示離震艮巽兌皆當以重習起義不與初經三畫之卦同也乾最為首不於乾加習字乾坤六畫只是一爻自二以上皆為習習義在爻不在重卦至六子而後有孚占也二五中實感人而人應之維心象重與單異有孚蓋四柔孚于二剛也故曰有孚維心象中剛象心二柔象纏絡於外中心亨占也彼之孚者行之實人係戀之而不解故曰維心亨廉係乎此故亨行有尚占也謂六四五震之上畫由大塗而行也四无應於下行則成九五中正之剛而得其配合於上也初六為坎之畫得六習坎象也初六在重坎入于坎窞象也

坑坎中小穴夢入者曰窩坎之柔畫象水凶占
旁兩岸其耦象岸側小穴故曰入于坎窞凶也

九二

為坎之二畫

坎有險

象也凡言坎字及險字皆指坎之中畫言也

求小

得

占也此以九二變為柔而言小謂陰也一陽陷於二陰之中未能出險苟有所求惟變為陰小則可有得也

六三

為坎之三畫

來之坎坎

象也來之論語修文德以來之來謂招之處內之指六三也九二為下卦之主至二而言曰來之謂九二欲招六三來處于二也來之則陷

于坎坎之中九五坎險且枕象也居三則下有九二九二又一坎故曰坎坎險且枕象也居三則下有九二

處不入于坎窞象也初與三皆坎之耦畫故其象同謂

安也

故皆曰入勿用占也筮得此爻者戒之使勿用則必有凶悔吝也

六四

六居第四畫為坎之困

樽酒簋貳用缶

象也坎為酒二三四五有樽簋缶之象以

尊盛酒以簋盛食又以缶盛酒貳其尊虞氏曰貳副也禮有副尊故貳用缶朱子曰貳益之也周禮大祭三歲弟子職左執虛豆右執挾匕周旋而貳是也澄菴周官大祭三歲其下云皆有酌數皆有器量鄭氏註謂酌酒所用注尊中者貳用缶缶即酌器也為尊之副尊中之酒不滿則酌此器之酒以益之也納約自牖象也納如納言之納約謂歡好相結之言坎之柔維繫於中剛有繩約之象四耦畫虛而通明又當西之位故象牖上卦三爻上爻居陰極而陷于罪惟四五三爻剛柔各當其位四以柔正順承五之剛中正設饗禮以尊事之自牖而出往通於五以納其結歡之約誰能出不由戶不由戶而自牖蓋非常時所由出之處四五非止相應而以此近終元咎占也此近相得雖不如正應然既相得故也

仁善鄰講信修睦可謂合時之宜矣朱子曰始雖不甚好然於義理无害故終无咎

九五

九居第五畫為坎之師

坎不盈

象也九二之坎有險謂坎之中有

流水而深也九五之坎不盈謂坎之中有流水而不滿也蓋流水陷在深地而不上反兩岸者也祇既

平无咎

占也盈科而進水之道也盈則與岸平矣九五變為柔則不盈者未有盈之時也程子曰祇於

既平則无咎未平而尚在險中未得无咎也九五剛中之才居尊位宜可濟險然下无助也二陷于險中未能出餘皆陰柔非濟險之才人君雖才安能獨濟天下之險

上六

上之畫得六為坎之渙

係用徽纆寘于叢棘三歲不得

象也

黑索也所謂縲紲也坎有繩係之象坎中實象棘之身外耦象棘之刺二坎象棘之叢蓋拘係罪人之處桎之

以棘也三者坎之數上六陰柔居險極乘剛中正之君失為民之道者也故陷于罪戾既係縛之以徽纆又囚寘之于叢棘三歲而不得免也周官司圜收教罷民能改者上罪三年而舍其不能改而出圜土者殺三歲不得罪大而不占也犯上能改者與凶而致凶也

六畫俱六九
為坎之離

經彖辭凡十字爻辭凡七十二字當徒坎切枕針基切祇音支徽許韋切經音墨寘之鼓切註沮子須切滅時貞切量音亮好吁告切縲力追切綈辛列切刺千恣切罷音皮舍音捨者與音余

三

離下
離上 ○ 三之三上之十八經
八統中女主六五

離此義皇離下離上之卦而文王亦名之曰離離麗也明也一陰附麗上下二陽而明象火象日二離相重

麗而復麗明
而復明者也
利貞
占也下卦三畫皆得正二
亨
占也
利貞而

也
畜牝牛吉
占也畜養之也牝牛皆坤象離中畫一陰
坤之中畫也故象牝牛坤之二五麗於乾

四畫之中如牛之繫養于牢也項氏曰坤以全體配乾
而行故為牝馬之行地離以二五附乾而居故為牝牛

之畜
養

初九
初之畫得九
履錯然敬之
象也初趾也剛畫如趾
為離之旅

履履地也附麗之初善惡未別明之初不
可太察故履錯然而雜進者皆當敬之
无咎
占也初

六二能敬之故六二
无咎非初之无咎也

六二
六居第二畫
為離之大
黃離
象也黃中之色二
麗乎中故為黃離
元吉
占也坤
六五之

象黃裳為文在中離六二之象

黃離亦為文在中故其占同

九三

為離之噬嗑

日昃之離

象也五者上卦之中當天之位故日在五為中之時

三者下卦之終當人之位故日在三為昃之時日昃之離如人之老而光景垂盡

不鼓缶而歌

則大耋之嗟

象也九三變為柔成震成艮震為鼓為聲而二三四有缶象艮為少男有反老還童

之象詩述陳國之風史稱秦人之俗皆鼓缶而歌蓋以樂生也人之老也不能以生為樂則必死為憂矣年

八十曰耋九三下卦之終陽氣將盡故曰大耋二三四

互倒體之兌歌嗟於兌口取象此爻有將老而死之象

其變又有復少而生之象人能自作凶占也以其近死

元命或順受正命則皆樂而不憂也凶故凶惟超出乎

生死之外者能不凶也

九四

為離之賁

突

象也此言下體之象突竈突也說文引突字作方以為不順之

子義固可通然焚如取火象則突如亦當取火象三四當繼明之時而二剛相值蓋繼之不善者也其來

如焚如死如棄

象也此言上體之象舊火上升三以接乎四如火氣之出於突新火下來

四以通乎三其猛烈如火之焚繼承之際不善如此必至身殞國亡九四變為柔成坎成艮火入坎水而滅死也火滅成灰而歸于艮山之土棄也其安慶緒未友珪之事乎

六五

為離之同人

出涕沱若戚嗟若

象也涕目液也離為目有出涕象二

三四五肖坎為水為雨有沱若象五心位有戚象三四五互兌為口有嗟若象六五為重離之主繼明而嗣位者也居倚廬而无命戒百官總己以聽於冢宰其哭泣而出涕也至于沱若其居喪而戚也至於嗟若以繼父

欽定四庫全書

卷一

為悲不以得位為樂也
嗣天子之孝者蓋如是

吉

占也項氏曰九四逆子也來
迫焚如六五順子也悲憂不

樂四五之吉
凶可知矣

上九

上之畫得九
為離之豐

王用出征有嘉

占也離有甲冑戈兵
之象王者筮得此爻

而用之以出征則有嘉美之功王謂六五出謂自五往
上征謂興師正其罪六五之所征者上九也初二爻
並以時之初終起義方初之時而已附麗者則敬之以
示勸也至終之時而不附麗者則征之以示懲也上九
居重離之終乘君位之上怙終不臣者也與比謙之上
六同六五繼體重明之君如啟嗣禹成王嗣武王啟嗣
位而有扈不服成王嗣位而商奄不靖上九之征如啟
之征扈成王之征奄也離之上體二剛多不正剛惡者
也故四則不折首獲匪其醜无咎
占之象也以人身言
子上則不臣折首獲匪其醜无咎
首在上獲謂兵之所

俘獲醜衆也首指上九醜指衆爻至終而不附麗者上九而已其他皆已附麗者也所征者獨上九而衆不與焉故所折者首爾所獲者匪其類也國不受兵則无所俘獲矣刑不濫武不究所以无咎

六畫俱九六
為離之坎

經彖辭凡八字爻辭凡六十九字畜許六切錯
七各切產田節切折子舌切註復符后切別彼
列切少詩詔切下同樂音洛下同
怙徒忽切不與音預黷徒各切

乾
離
坤
震
巽
坎
艮
兌

易纂言卷一